

МХБХ-ны Зөвлөлийн 2021 оны
03 дугаар сарын 17-ны өдрийн
12. тоот тогтоолоор батлав.



**МОНГОЛЫН ХӨЛ БӨМБӨГИЙН ХОЛБООНЫ
ТОГЛОГЧИЙН СТАТУС БА ШИЛЖИЛТ ХӨДӨЛГӨӨНИЙ ЖУРАМ
2021**



Улаанбаатар хот

ГАРЧИГ - I ХЭСЭГ

Зүйл
Хуудас

Тодорхойлолт

4

I.	Оршил хэсэг	
1	Хамрах хүрээ	6
II.	Тоглогчийн Эрх зүйн байдал /статус/	
2	Сонирхогч ба мэргэжлийн тоглогчийн эрх зүйн байдал	6
3	Дахин сонирхогчийн статустай болох	7
4	Үйл ажиллагааг дуусгавар болгох	7
III.	Тоглогчийн бүртгэл	
5	Бүртгэл	7
6	Бүртгэлийн хугацаа (цонх)	7
7	Тоглогчийн хөл бөмбөгийн паспорт	8
8	Бүртгүүлэхийг хүссэн өргөдөл	8
9	Олон улсын шилжилт хөдөлгөөний зөвшөөрөл /ITC/	8
10	Мэргэжлийн тоглогчдыг зээлээр тоглуулах	9
11	Бүртгэлгүй тоглогч	9
12	Сахилгын шийтгэл ногдуулах	9
12 дэд	Үлдэгдэл төлбөр	9
IV.	Мэргэжлийн тоглогч ба клубуудийн байгуулсан гэрээг тогтвортой хадгалах зарчим	
13	Гэрээг дагаж мөрдөх	10
14	Хүндэтгэн үзэх шалтгаанаар гэрээг цуцлах	10
14дэд	Цалингийн улмаас хүндэтгэн үзэх шалтгаанаар гэрээг цуцлах	10
15	Спортын хүндэтгэн үзэх шалтгааны улмаас гэрээг цуцлах	11
16	Улирлын үед гэрээг цуцлах үндэслэл	11
17	Хүндэтгэн үзэх шалтгаангүйгээр гэрээг цуцалснаас үүсэх үр дагавар	11
18	Клуб ба мэргэжлийн тоглогчдын хооронд хийсэн гэрээтэй холбоотой тусгай заалт	12
V.	Тоглогчийн санхүүгийн эрхийг эзэмшигч гуравдагч этгээд	
18дэд	Клубт гуравдагч этгээд нөлөөлөх	13
18дэд'	Тоглогчийн санхүүгийн эрхийг эзэмших гуравдагч этгээд	13
VI.	Насанд хүрээгүй тоглогчийн олон улсын шилжилт хөдөлгөөн	
19	Насанд хүрээгүй тоглогчийг хамгаалах	13
19дэд	Академид суралцуулах зорилгоор насанд хүрээгүй тоглогч бүртгэх болон мэдээлэх	15
VII.	Бэлтгэл сургуулилтын нөхөн төлбөр ба нийтлэг эрх ашгийн нөхөн төлбөр	
20	Бэлтгэл сургуулилтын нөхөн төлбөр	15
21	Нийтлэг эрх ашгийн нөхөн төлбөр	
16		
VIII.	Эрх зүйн чадамж	
22	ОУХБХ-ны чадамж	16
23	Тоглогчийн Эрх зүйн байдлын хороо	16
24	Маргаан Шийдвэрлэх Танхим	17
24дэд	Санхүүтэй холбоотой шийдвэрийг биелүүлэх	17

25	Мөрдөх зарчим	18
IX.	Эцсийн зүйл	
26	Түр арга хэмжээ	18
27	Тусгагдаагүй асуудлууд	19
28	Албан ёсны хэл	19
29	Хүчин төгөлдөр болох нь	19
 Хавсралт1: Тоглогчийг шигшээ багт өгөх		20
Хавсралт2: Насанд хүрээгүй тоглогчийг олон улсын шилжилт хөдөлгөөнд оролцуулах		27
Хавсралт3: Шилжилт хөдөлгөөний систем /TMS/		30
Хавсралт3а: TMS системээс гадуур шилжилт хөдөлгөөнийг зохицуулах журам		38
Хавсралт4: Бэлтгэл сургуулилтын нөхөн төлбөр		40
Хавсралт5: Нийтлэг эрх ашгийн нөхөн төлбөр		43
Хавсралт6: Бэлтгэл сургуулилт болон нийтлэг эрх ашгийн нөхөн төлбөртэй холбоотой зүйл		45
Хавсралт7: Футзалын тоглогчийн олон улсын шилжилт хөдөлгөөн		49
Хавсралт 8 : МХБХ-ны Дундын зуучлагчийн үйл ажиллагаанд баримтлах журам		52



ТОДОРХОЙЛОЛТ

Олон Улсын Хөл Бөмбөгийн Холбоо /FIFA/-ны Дүрмийн 5 дугаар зүйлд заасны дагуу ОУХБХ-ны Зөвлөл/IFAB/ нь дараах дүрэмд нэмэлт, өөрчлөлт оруулах эрхтэй бөгөөд тус баталсан өөрчлөлтийг дүрмийн нэгээхэн хэсэг гэж үзэж дагаж мөрдөнө.

Энэ дүрэмд тусгагдсан нэр томъёог дараах байдлаар ойлгоно. Үүнд:

1. Өмнөх холбоо: Өмнөх клубын гишүүнчлэлтэй холбоо;
2. Өмнөх клуб: Тоглогчийн орхин явж буй клуб;
3. Шинэ Холбоо: Шинэ клубын гишүүнчлэлтэй холбоо;
4. Шинэ клуб: Гэрээ байгуулан орж буй клуб;
5. Албан ёсны тогтолтууд: Нөхөрсөг болон бэлтгэл хангах тогтолтуудаас бусад Үндэсний Лиг, Цомын тэмцээн болон олон улсын аварга шалгаруулах тэмцээн зэрэг тогтмол бүтцээр зохион байгуулагддаг тэмцээн;
6. Зохион байгуулалттай хөл бөмбөг: Олон улс, тив болон тухайн холбооны зохион байгуулж буй тэмцээнүүдийг хэлнэ.
7. Дархлагдсан хугацаа: Мэргэжлийн тоглогчийн 28 нас хүрэхээс өмнө хийгдсэн гэрээ хүчин төгөлдөр болсны дараах 3 бүтэн улирал эсвэл 3 жилийн хугацааг эсвэл 28 нас хүрсний дараа хийгдсэн аливаа гэрээ хүчин төгөлдөр болсны дараах 2 жил буюу 2 бүтэн улирлын хугацааг хэлнэ.
8. Бүртгэлийн хугацаа: 6 дугаар зүйлийн дагуу тухайн холбооны гаргасан хугацааг хэлнэ.
9. Улирал: Үндэсний лигийн тэмцээний албан ёсны эхний тогтолтоос эхлэн уг тэмцээний албан ёсны сүүлчийн тоглолтыг дуустал үргэлжлэх хугацаа.
10. Бэлтгэл сургуулитын нөхөн төлбөр: Бага залуу тоглогчийг бэлтгэн хүмүүжүүлсний төлбөрийг 6 дугаар зүйлд заасны дагуу олгохыг хэлнэ.
11. Насанд хүрээгүй тоглогч: 18 нас хүрээгүй тоглогчийг хэлнэ.
12. Академи: Зайлшгүй шаардлагатай сургалтын тоног төхөөрөмж, дэд бүтцээр хангагдсан тоглогчдыг удаан хугацаагаар сургалтанд хамруулах үндсэн бөгөөд урт хугацааны зорилгыг өмнөө тавьсан албан байгууллага буюу хуулийн этгээдийг хэлнэ. Гэхдээ энэ нь хөл бөмбөгийн сургалтын төв, хөл бөмбөгийн бааз, хөл бөмбөгийн сургуулиар хязгаарлагдах ёсгүй.
13. Шилжилт хөдөлгөөний систем (TMS): Тоглогчийн олон улсын шилжилт хөдөлгөөнийг зохицуулах, мэдээллийг ил тод байлгах зорилго бүхий вэб системийг хэлнэ.
14. Гуравдагч этгээд: Шилжиж буй тоглогч, тоглогчийг шилжүүлж авч болон өгч буй хоёр клубээс өөр нэгэн этгээдийг хэлнэ.
15. Талбайн хөл бөмбөг: Олон Улсын Хөл Бөмбөгийн Зөвлөлийн баталсан Тогтолтын дүрэмд заасан хөл бөмбөгийг хэлнэ.

16. Футзал: Олон Улсын Хөл Бөмбөгийн Зөвлөл, ОУХБХ-ны хорооны баталсан Футзалын тоглолтын дүрмийн дагуух хөл бөмбөгийн тоглолтыг хэлнэ.
17. Бүртгэл: Дараах мэдээллийг агуулсан бичгээр үйлдсэн баримт бичгийг хэлнэ.
Үүнд:
 - a. Бүртгэл эхлэх хугацаа (өдөр/сар/он);
 - b. Тоглогчийн овог нэр (ургийн болон өөрийн овог);
 - c. Төрсөн он сар өдөр, хүйс, иргэншил, тоглогчийн мэргэжлийн эсвэл сонирхогчийн статусыг тодорхойлсон статус (энэ журмын 2-р зүйл, заалтын дагуу);
 - d. Тоглолтын төрөл (Том талбай / Футзал / Элс);
 - e. Тоглогч шилжүүлж авч буй клубын харьяалал бүхий холбооны мэдээлэл (ОУХБХны бүртгэлийн дугаар байж болно);
 - f. Бүртгэлтэй клубын нөхөн төлбөр олгох категори ангилал;
 - g. Тоглогчийн FIFA дугаар;
 - h. Холбооны FIFA дугаар.
18. Цахим хэлбэрээр тоглогчийг бүртгэх систем: Тухайн холбооны бүх тоглогчдыг бүртгэх боломж бүхий бүртгэлийн цахим системийг хэлнэ. Тус системийг FIFA Connect системтэй холбосон байх ба 12 нас ба түүнээс дээш насны бүхий л тоглогчдод FIFA дугаар буюу тоглогчийн бүртгэлийн дугаарыг тус системээс гаргана.
19. FIFA Connect систем: FIFA дугаар гаргадаг цахим систем бөгөөд дотоод болон гадаад тоглогчдыг бүртгэнэ. Тус систем дэх мэдээлэл нь FIFA TMS дэх мэдээлэлтэй автоматаар солилцно.
20. FIFA дугаар: FIFA Connect системээр тухайн холбоо, тоглогч бүрт олгодог дугаарыг хэлнэ.
21. Олон улсын шилжилт хөдөлгөөн: Нэг холбооноос нөгөө холбоо руу хийж буй шилжилт хөдөлгөөнийг хэлнэ.
22. Дотоодын шилжилт хөдөлгөөн: Нэг холбооны хоёр клуб хоорондоо тоглогчийг шилжүүлж авах/өгөх хөдөлгөөнийг хэлнэ.
23. Дотоодын цахим шилжит хөдөлгөөн: Гишүүн холбоон дахь дотоодын шилжилт хөдөлгөөнтэй холбоотой бүхий л мэдээллийг цахим хэлбэрээр хянах, зохицуулах системийг хэлнэ. Тус хөдөлгөөнийг энэ журмын Хавсралт 3-т дэлгэрэнгүй тусгасан бөгөөд овог нэр, хүйс, иргэншил, төрсөн огноо, FIFA дугаар, Тоглогчийн Эрх зүйн байдал, шилжилт хөдөлгөөнд оролцож буй 2 клубын мэдээлэл зэргийг тусгасан байна. Дотоодын цахим шилжилт хөдөлгөөнийг FIFA Connect системтэй уялдуулан ашиглана.
ОУХБХ-ны Дүрмийн тодорхойлолт гэсэн хэсэг дэх ойлголтуудыг тус зүйлд агуулж ойлгоно.

Жич: Хувь хүнтэй холбоотой зүйл, заалтуудыг эр, эм хүйсийн аль алинд нь хамааруулна. Ямар ч үг хэллэгийг ганц тооноос олон тоо руу болон эсрэгээр нь мөн ойлгоно.

1 Хамрах хүрээ

1. Тоглогчдын статус, тэднийг зохион байгуулалттай хөл бөмбөгт оролцуулах зөвшөөрөл, эрхийн асуудал, өөр ялгаатай Холбоодод харьялалтай клубүүдийн хооронд хийгдэх шилжилт хөдөлгөөний дүрэмтэй холбоотой нийтлэг асуудлыг энэхүү журмаар зохицуулна.
2. Тухайн Холбооны харьялалтай клубүүдийн хооронд тоглогчдыг шилжүүлэхдээ, энэ журмын 1 дүгээр зүйлийн 3 дахь заалтад заасанчлан, тухайн Холбоо өөрөө боловсруулж, ОУХБХ-гоор батлуулсан тусгай журмаар зохицуулна. Тэрхүү журамд заагдсан зарчмуудыг баримтлан, тухайн клуб болон тоглогчдын хооронд үүсч болзошгүй маргааныг хэрхэн шийдвэрлэх дүрмийг нарийн тогтоосон байх ёстай. Энэхүү дүрэмд өсвөрийн залуу тоглогчдын бэлтгэл сургуулилт, боловсрол олгох үйл ажиллагаанд хөрөнгө оруулалт сайн хийсэн клубыг урамшуулах системийг мөн тусгаж өгсөн байх ёстай.
Талбайн хөл бөмбөгийн хүрээнд мэргэжлийн болон сонирхогчийн статус бүхий аливаа тоглогчдын дотоодын шилжилт хөдөлгөөнийг цахим шилжилт хөдөлгөөний систем ашиглан хийнэ. Дотоодын шилжилт хөдөлгөөний системд тухайн тоглогч нэг холбооны өөр клубт шилжих бүрт тухайн бүртгэлийг шинэчлэн оруулж шилжилт хөдөлгөөнийг хийнэ. Цахим хэлбэрээр дотоодын шилжилт хөдөлгөөнийг хийсэн тохиолдолд үүнийг хүчингүйд тооцно.
3. А. Үндэсний хэмжээнд яригдах дараах нөхцлүүд нь тухайн Холбооноос гаргасан журамд ямар ч засвар өөрчлөлтгүйгээр орох ёстай. Үүнд 2-8, 10, 11, 12 дэд, 18 дэд, 18 дэдийн дэд 19 ба 19 дэд зүйлүүд.

Б. Холбоо болгон өөрийн улсын хууль тогтоомж, хамтын гэрээний нийтлэг зүйлсийг хүндэтгэн үзэж, тэдгээрт тусгагдсан нийтлэг заалтуудыг хамруулан оруулж, гэрээний ач холбогдлыг өндөрт өргөж үзэх ёстай. Ялангуяа дараах зарчмуудад зайлшгүй анхаарна:
 - 13-р зүйл: Гэрээг дагаж мөрдөх зарчим;
 - 14-р зүйл: Хүндэтгэн үзэх шалтгаангүйгээр гэрээг аль нэг талын хүсэл сонирхлоор цуцлах тухай зарчим;
 - 15-р зүйл: Спортын хүндэтгэн үзэх шалтгааны улмаас мэргэжлийн хөл бөмбөгчний оролцоотойгоор гэрээг цуцлах тухай зарчим;
 - 16-р зүйл: Улирлын үеэр гэрээг цуцалж үл болох зарчим;
 - 17-р зүйлийн 1 ба 2-р заалт: Хүндэтгэн үзэх шалтгааны улмаас гэрээг цуцлах тохиолдолд гэрээнд тусгасан дүнгээр гэрээний нөхөн төлбөрийг төлнө;
 - 17-р зүйлийн 3-5 заалт: Гэрээг хүндэтгэн үзэх шалтгаангүйгээр хугацаанаас өмнө цуцлах тохиолдолд зохих талд шийтгэл ногдуулах зарчим.
4. Тоглогчийг Үндэсний шигшээ багт дуудахтай холбогдсон зарчим, ерөнхий үйл ажиллагааг энэхүү журмын 1-р Хавсралтад дурдсан нөхцлөөр, Тоглогчийг чөлөөлж явуулах болон тухайн шигшээ баг тоглогчийг хүлээж авах, харилцан зөвшилцөх, урамшуулах болоод шийтгэх үйл ажиллагааг бие даасан журмаар зохицуулна. Эдгээр нөхцөл нь бүх Холбоод болон клубт хамааралтай.

Тоглогчийн Эрх зүйн байдал

2 Сонирхогч ба Мэргэжлийн тоглогчийн эрх зүйн байдал

1. Зохион байгуулалттай хөл бөмбөгийн тоглогчид нь сонирхогчийн, эсвэл мэргэжлийн гэсэн статустай байна.

2. Мэргэжлийн тоглогч гэдэг нь клубтэй гэрээ хийсэн тоглогчийг хэлэх бөгөөд хөл бөмбөг тоглох замаар Монгол Улсын хөдөлмөрийн хөлсний доод хэмжээнээс доошгүй орлого олохыг хэлнэ. Түүнээс бусад тохиолдолд сонирхогч гэж үзнэ.

3 Дахин сонирхогчийн статустай болох

1. Мэргэжлийн бүртгэгдсэн тоглогчийг мэргэжлийн тоглогчийн хувьд сүүлчийн тогтолтоо хийснээс хойш 30 сарын дараагаас эхлэн сонирхогч гэж бүртгэнэ.
2. Сонирхогчийн статустай болсны дараа ямар нэгэн нөхөн төлбөр төлөхгүй. Сонирхогчийн статустай болсоноос хойш 30 сарын дотор тоглогч нь дахин мэргэжлийн тоглогчоор бүртгэгдвэл, түүний хүлээж авсан шинэ клуб нь 20-р бүлэгт заасны дагуу бэлтгэл сургуулитын нөхөн төлбөр төлнө.

4 Үйл ажиллагаа дуусгавар болгох

1. Гэрээний хугацаа дууссаны дараа карьер нь дуусч байгаа мэргэжлийн тоглогчид болон үйл ажиллагаа нь дуусч байгаа сонирхогчид хамгийн сүүлд бүртгэлтэй байсан клубын гишүүн холбоонд 30 сарын турш бүртгэлтэй байна.
2. Энэ хугацаа клубт тоглосон сүүлчийн албан ёсны тоглотонд оролцсон өдрөөс тооцогдоно.

5 Бүртгэл

1. Гишүүн холбоо тухайн тоглогчийг бүртгэхдээ FIFA дугаар өгч цахим хэлбэрээр бүртгэнэ. Аливаа тоглогч клубт тоглоходоо тухайн клубын харьяалалтай гишүүн холбоонд мэргэжлийн эсвэл сонирхогчийн аль нэг статусаар бүртгүүлсэн байна. Цахим хэлбэрээр бүртгүүлсэн FIFA дугаартай тоглогч зохион байгуулалттай хөл бөмбөгт оролцох бүрэн эрх үүснэ. Ингэж бүртгүүлсэн нь тоглогч тухайн улс, тив болон Олон улсын хөл бөмбөгийн холбооны дүрэм журмыг дагаж мөрдхөө амлахыг зөвшөөрсөнд тооцно.
2. Тухайн цаг мөчид тоглогч нэг л клубт бүртгэлтэй байна.
3. Нэг улирлын туршид тоглогч 3-аас ихгүй клубт бүртгүүлж тоглож болно. Нэг улирлын хугацаанд тоглогч 2 клубын албан ёсны тоглотонд оролцож болно. Харин холбоодын хоёр өөр клубт жил дамнасан улиралд (зун/намар улирал эхлэх эсвэл эсрэгээрээ өвөл/хавар эхлэх) тухайн улиралдаа хамаарч өмнөх клубт гэрээний маргаангүй бол гурав дахь клубт тоглох боломжтой. Түүнтэй адилаар бүртгэлийн хугацаа (6-р зүйл) болон гэрээний үргэлжлэх боломжит бага хугацаа (18-р зүйлийн 2-р заалт) зэргийг зөрчихгүй байх шаардлагатай.
4. Ямар ч нөхцөл байдалд тэмцээний спортын шударга ёсыг мөрдөн сахих үүрэгтэй. Ялангуяа гишүүн холбоодын тэмцээний зааврын дагуу нэг улсын нэг аварга шалгаруулах тэмцээн эсвэл нэг хөл бөмбөгийн улиралд зохион байгуулагдаж буй нэг цомын тэмцээнд оролцож буй хоёр клубт нэг тоглогч албан ёсны тоглотууд хийж болохгүй.

6 Бүртгэлийн хугацаа (цонх)

1. Гишүүн холбооны тогтоосон жилд хоёр удаа нээгдэх шилжилт хөдөлгөөний цонхоор нэг тоглогч нэг л удаа хөдөлгөөн хийж бүртгүүлэх эрхтэй. Эрэгтэйчүүдийн болон охид, эмэгтэйчүүдийн тэмцээнтэй уялдуулан цонхны нээгдэх хугацаа өөр байж болно. Харин шилжилт хөдөлгөөний цонх хаагдахаас

өмнө мэргэжлийн тоглогчийн гэрээ нь дууссан тоглогчийг цонхноос гадуур бүртгэж авч болно. Ийм тохиолдолд гишүүн холбоо тэмцээний спортын шударга зарчмыг үндэслэн тус шийдвэрийг гаргана. Хүндэтгэн үзэх шалтгааны улмаас гэрээг цуцалж буй тоглогчийн хувьд 22-р зүйлийн дагуу ОУХБХ тус асуудлыг шийдвэрлэнэ.

2. Шилжилт хөдөлгөөний эхний цонх хөл бөмбөгийн улирал дууссаны дараа эхлэх бөгөөд шинэ улирал эхлэхээс өмнө дуусах ёстай. Цонхны үргэлжлэх хугацаа 12 долоо хоногоос хэтрэхгүй байх ёстай. Хоёрдахь цонх улирлын дунд нээгдэх бөгөөд 4 долоо хоногоос хэтрэхгүй байна. FIFA TMS системд шилжилт хөдөлгөөний цонхны мэдээллийг тухайн цонх нээгдэхээс 12 –оос доошгүй сарын өмнө оруулсан байна. (Хавсралт 3-ын 5.1-р заалт) Цагтаа шилжилт хөдөлгөөний мэдээлэл оруулаагүй холбооны цонхыг ОУХБХ шийдвэрлэнэ.
3. Энэ журмын 6.1 заалтад заасны дагуу шилжилт хөдөлгөөний цонхны үеэр тухайн холбооны клуб тоглогчийн хүчин төгөлдөр анкетыг цахим бүртгэлийн системд оруулснаар тухайн тоглогчийг бүртгэх эрх үүснэ.
4. Шилжилт хөдөлгөөний цонхтой холбоотой зүйл, заалт нь гагцхүү мэргэжлийн тэмцээнд хамаарна. Тухайн холбоо тэмцээн уралдааны шударга зарчмыг үндэслэн тэмцээнд оролцох тоглогчдыг бүртгэх хугацааг тодорхойлно.

7

Тоглогчийн хөл бөмбөгийн паспорт

1. Бүртгэл хийж буй Холбоо нь клубуудэд тоглогчийн талаарх мэдээллүүдийг багтааж бүртгэсэн үнэмлэх гаргаж өгөх үүрэгтэй. Үнэмлэх дээр тоглогч тухайн клубт 12 нас хүрсэн улирлаас эхлэн бүртгэгдэж эхэлсэн байна. Хэрвээ тоглогчийн төрсөн өдөр өөр улирлын дундуур тохиож байвал, улирлын дундуур тэрхүү тоглогчийн нас 12 хүрсний дараа бүртгэнэ гэж клубуудэд нь анхааруулж, үнэмлэх дээр заана.

8

Бүртгүүлэхийг хүссэн өргөдөл

1. Мэргэжлийн тоглогчийг бүртгүүлэхийг хүссэн өргөдөлд тоглогчтой хийсэн гэрээг хавсаргасан байна. Өргөдлийг хүлээн авагч этгээд нь гэрээнд дагалдаж ирээгүй гэрээний нэмэлт нөхцлүүд болон гэрээнд оруулсан ямар нэгэн өөрчлөлтүүдийг нэхэж шаардах, үзэх эрхтэй.

9

Олон улсын шилжилт хөдөлгөөний зөвшөөрөл /ITC/

1. Өмнөх холбооноос Шинэ Холбоо руу олон улсын шилжилт хөдөлгөөний зөвшөөрөл буюу ITC шилжүүлснээр тоглогчийг тухайн холбоонд шилжиж ирсэн гэж үзнэ. ITC цаг хугацааны хувьд болон ямар нэг тусгай нөхцөлгүйгээр үнэ төлбөргүй шилжүүлнэ. Тус зүйл, заалттай зөрчилдөх аливаа нөхцөл үл байж болно. ITC гаргаж буй холбоо ОУХБХ-нд нэг хувийг мэдүүлнэ. ITC гаргахтай холбоотой алхмуудыг Хавсралт 3, 8-р зүйл ба Хавсралт За дээр заасан болно.
2. Сорилт тогтолтонд оролцох гэж буй тоглогчид зориулж ITC шилжүүлж авах хүсэлт гаргахыг Холбоодод хориглоно.
3. Шинэ Холбооноос тухайн тоглогчийг 12-23 насанд нь сургаж, боловсрол олгосон клубын харьяа Холбоонд, ITC-г хүлээж авсны дараа мэргэжлийн тоглогчоор бүртгэсэн тухайгаа бичгээр мэдээлэх ёстай.

4. 10-аас доош насны тоглогчийн хувьд ITC шаардлагагүй.

10 Мэргэжлийн тоглогчдыг зээлээр тоглуулах

1. Мэргэжлийн тоглогчийг тухайн сонирхож байгаа клуб болон тоглогч 2-ын хооронд бичгээр хийх гэрээн дээр үндэслэж аль нэг клубт зээлээр тоглуулж болно. Ингэж зээлээр тоглоход тоглогчдын шилжилт хөдөлгөөнд хамаарах журмуудыг баримтлах ба үүний дотор бэлтгэл сургуулилтын нөхөн төлбөр болон нийтлэг эрх ашгийн нөхөн төлбөр (solidarity mechanism) зэргийг анхаарч үзнэ.
2. Энэ журмын 5-р зүйлийн 3-р заалтын дагуу зээлийн хамгийн бага хугацаа 2 цонхны хооронд байна.
3. Зээлээр авсан тоглогчийг зээлээр тоглуулахыг зөвшөөрсөн клубын албан ёсны зөвшөөрөлгүйгээр гуравдагч клубт шилжүүлэх эрхгүй.

11 Бүртгэлгүй тоглогчид

1. Аливаа холбоонд бүртгүүлэхгүйгээр албан ёсны тоглолтонд оролцсон тоглогчийг хууль бусаар тоглосон гэж үзнэ. Ингэж тоглосноос үүдэх аливаа эрсдлээс үл хамаарч клуб эсвэл/болон тухайн тоглогчид сахилгын шийтгэл ногдуулна. Ийнхүү шийтгэлийг Холбоо эсвэл тэмцээн зохион байгуулагч тал ногдуулна.

12 Сахилгын шийтгэл ногдуулах

1. Шинэ Холбоонд шилжиж очих үедээ шилжин ирж буй тоглогч дөрөв хүртэл тоглолтоор эсвэл гурав хүртэл сараар тоглох эрхээ хасуулсан сахилгын шийтгэлтэй бол Шинэ Холбооны зохион байгуулж буй дотоодын уралдаан, тэмцээнд тус шийтгэл нь хүчин төгөлдөр үйлчилнэ. ITC-г шилжүүлж байх үед энэ тухай мэдээллийг хуучин холбоо системд оруулж мэдэгдэнэ.
2. Дөрвөөс илүү тоглолт эсвэл гурваас илүү сараар шийтгүүлсэн тоглогчийн хувьд тус шийтгэлийг Шинэ Холбоонд шилжиж ирсний дараа эдлүүлэх эсэхийг ОУХБХ-ны Сахилгын Хороо шийдвэрлэнэ. Түүнчлэн ITC шилжүүлэх үед өмнөх Холбоо аливаа нэг шийтгэлтэй эсэхийг TMS системээр дамжуулж мэдээлэх үүрэгтэй.

12дэд Үлдэгдэл төлбөр1.

1. Клуб гэрээний оролцогч талууд болох тоглогч, бусад клуб болон гарын үсэг зурж баталгаажуулсан гэрээний нөхцөл, санхүүгийн үүргээ биелүүлэх үүрэгтэй.
2. Клуб гэрээний төлбөрөө 30-аас дээш хоног хүндэтгэн үзэх шалтгаангүйгээр төлөхгүй бол энэ зүйлийн 4-р заалтын дагуу шийтгэл хүлээнэ.
3. Энэ зүйлд заасны дагуу клуб нэхэмжлэгчид (toglogch эсвэл клуб) төлбөрийн үлдэгдэлтэй бол нэхэмжлэгч тухайн клубт бичгээр төлбөрийн үлдэгдлийг нэхэмжилж 10-аас багагүй өдрийн дотор төлбөрийн үлдэгдлийг хийж гүйцэтгэх хүсэлт гаргана.
4. Хэргийн хамрах хүрээнээс шалтгаалж Тоглогчийн Эрх зүйн байдлын Хороо, Маргаан Шийдвэрлэх Танхим, шүүгч эсвэл Маргаан Шийдвэрлэх Танхимын дан ганц шүүгч дараах шийтгэлийг оногдуулна. Үүнд:
 - a) анхааруулах;
 - b) сануулах;

- c) торгох;
 - d) дотоод эсвэл олон улсын хэмжээнд 1 эсвэл 2 бүтэн болон дарааллан шилжилт хөдөлгөөний цонхоор шинэ тоглогч шилжүүлж авах эрхийг хасах.
5. Энэ зүйлийн 4-т заасан шийтгэлүүдийг нэг дор ногдуулж болно.
 6. Давтан үйлдэл гаргавал шийтгэлийг хүндруулж ноцтой шийтгэлүүд ногдуулна.
 7. Шилжилт хөдөлгөөнд оролцох эрхийг хассан шийтгэлийг зогсоож болно. Ингэхдээ шийдвэр гаргах байгууллага 6 сараас 2 жил хүртэл туршилтын хугацаа өгч шийтгэл хүлээж буй клубыг харгалзан үзнэ.
 8. Туршилтын хугацааны үеэр клуб ямар нэг зөрчил гаргавал шилжилт хөдөлгөөнд оролцох эрхийг хассан шийтгэлийг зогсоо шийдвэрийг түдгэлзүүлж эргүүлэн шийтгэлийг хэвээр үлдээнэ. Шинэ зөрчил гаргавал шинээр шийтгэл ногдуулна.
 9. Дээр дурдсан заалтууд нь 17-р зүйлд тусгасан аливаа шийтгэлтэй харшлахгүй бөгөөд нэмэлт арга хэмжээ авахад татгалзах зүйлгүй болно.

13

Гэрээг дагаж мөрдөх

1. Мэргэжлийн тоглогч болон клубын хооронд хийсэн аливаа гэрээг талууд харилцан хүлээн зөвшилцсөнөөр эсвэл гэрээний хүчинтэй хугацаа дуусмагц хүчингүйд тооцно.

14

Хүндэтгэн үзэх шалтгаанаар гэрээг цуцлах

1. Аль нэг талын санаачилгаар, ямарваа нэг гарах сөрөг үр дагаваргүйгээр (нөхөн төлбэрийн эсвэл спортын шийтгэл оногдуулах зэрэг) хүндэтгэн үзэх шалтгааны улмаас гэрээг хугацаанаас өмнө цуцалж болно.
2. Талуудын аль нэг нь нөгөө талд хүч хэрэглэн гэрээг цуцлах, эсвэл гэрээний нөхцлийг өөрчлүүлэх зэрэг үйлдэл гаргавал эсрэг талын санаачилгаар хүндэтгэн үзэх шалтгаан гэсэн үндэслэлээр гэрээг цуцална.

14дэд Цалингийн улмаас хүндэтгэн үзэх шалтгаанаар гэрээг цуцлах

1. Клуб тогтоосон хугацаанаас 2-оос доошгүй сар тоглогчид цалингаа төлөхгүй тохиолдолд тухайн тоглогчийг гэрээгээ цуцлах хүндэтгэн үзэх шалтгаантай гэж үзэх бөгөөд 15-аас багагүй хоногийн хугацаанд клубээр цалингаа төлүүлэх хүсэлт клубт хандаж бичгээр гаргана. Хүчин төгөлдөр гэрээнд энэ тухай заалтыг оруулж түүнийг мөрднө.
2. Тогтмол сарын хугацаатайгаар цалин тавьдаггүй тохиолдолд 2 сартай тэнцэхүйц хэмжээний үнийн дүнг харгалзан үзнэ. Хоёроос багагүй сарын цалинтай дүйцэх хэмжээний төлбэрийг төлөөгүй буюу хойшлуулсан тохиолдолд тоглогч гэрээг хүндэтгэн үзэх шалтгааны улмаас цуцлах эрх үүсэх ба 14 дэд.1 –д заасны дагуу бичгээр гэрээг цуцалж буйг мэдэгдэнэ.
3. Энэ зүйлийн 1 ба 2-р заалтад дурдсан зарчим дотоодын хууль тогтоомжтой харшилвал ажил олгогч болон ажилтны төлөөлөл дотоодын хэмжээнд гэрээний заалтыг харилцан тохиролцоно. Энэ зүйл, заалтыг давуу авч үзнэ.

15

Спортын хүндэтгэн үзэх шалтгаанаар гэрээг цуцлах

1. Улирлын үеэр тоглогч клубын албан ёсны тоглолтуудаас 10-аас доош хувийн тоглолтонд оролцвол спортын хүндэтгэн үзэх шалтгаан гэж үзээд гэрээг тоглогч цуцалж болно. Тохиолдол бүрээс хамаарч тоглогчийн нөхцөл байдлыг харгалзан үзнэ. Тухайн хэрэг бүрт харилцан адилгүй шийдвэрлэнэ. Тухайн тохиолдолд спортын шийтгэл ногдуулахгүй бөгөөд мөнгөн хэлбэрийн торгууль ногдуулж болно. Тус тохиолдолд тоглосон хамгийн сүүлчийн албан ёсны тоглолтоос 15 хоногийн дотор дээрх үндэслэлээр гэрээг тоглогч цуцалж болно.

16

Улирлын дунд гэрээг цуцлах үндэслэл

1. Улирлын тоглолтын дундуур зөвхөн нэг талын санаачилгаар гэрээг цуцлахгүй.

17

Хүндэтгэн үзэх шалтгаангүйгээр гэрээг цуцалснаас үүсэх үр дагавар

1. Дараах тохиолдолд гэрээг хүндэтгэн үзэх шалтгаангүйгээр цуцалсан гэж үзнэ.
Үүнд: 1. Бүхий л тохиолдолд буруутай гэрээлэгч тал нөхөн төлбөр төлнө. Гэрээнд өөрөөр заагаагүй бол бэлтгэл сургуулилтын нөхөн төлбөртэй холбоотой 20-р зүйл болон Хавсралт 4-т тус тус заасны дагуу тухайн орны мөрдөж буй хууль, спортын онцлог болон бусад бодит шалгууруудад үндэслэн мөнгөн торгуулийн хэмжээг тогтооно. Шалгуурууд гэдэгт, байгуулсан гэрээ эсвэл шинээр байгуулах гэж буй гэрээний дагуу тоглогчид олгох цалин урамшуулал, тухайн байгуулсан гэрээний дуусгавар болох хугацаа буюу хамгийн ихдээ 5 хүртэлх жил, өмнөх клубын төлсөн төлбөр, хураамж (гэрээний нөхцлийн дагуу зарцуулсан зардал), дархлагдсан хугацаанд гэрээг зөрчсөн эсэх зэрэг багтана. Дээр дурдсан нөхөн төлбөр гэдэгт тоглогчид төлөх нөхөн төлбөрийг дараах байдлаар тооцоолно.
Үүнд:

- i. Өмнөх гэрээгээ цуцалсны дараа шинээр гэрээ байгуулаагүй тохиолдолд нөхөн төлбөрийн хэмжээ өмнөх цуцалсан гэрээний үлдэгдэл төлбөрийн хэмжээтэй ижил байна.
 - ii. Шийдвэр гарах үед тоглогч өөр клубтэй шинээр гэрээ байгуулбал өмнө нь цуцалсан гэрээний хугацаатай уялдуулж шинэ гэрээний үнэлэмжийг тодорхойлох ба энэхүү дүнг тооцоходоо өмнөх цуцалсан гэрээний төлбөрийн үлдэгдлээс шинээр байгуулсан гэрээний үнэлэмжийг хасна. Түүнчлэн өмнөх гэрээг хугацаанаас өмнө цуцалснаас үүдэх төлбөрийн үлдэгдэл болон шинээр байгуулсан гэрээний хасагдсан үнэлэмж дээр нэмэгдээд тоглогчид гурван сарын цалинтай тэнцэх нөхөн олговор олгож болно. Үүнийг нэмэлт нөхөн олговор гэнэ. Нөхцөл байдлаас хамаарч нэмэлт нөхөн олговрыг 6 хүртэл сарын төлбөртэй тэнцэх хэмжээгээр тооцон олгож болно. Нөхөн олговрын нийт хэмжээ өмнөх гэрээний нийт үнэлэмж бүхий дүнгээс илүү гарч болохгүй.
 - iii. Дотоодын хууль журамд өөрөөр заагаагүй бол гэрээтэй холбоотой аливаа хэлэлцээрийг ажил олгогч болон ажилтныг төлөөлөх төлөөлөл харилцан тохиролцож болно. Энэ тохиролцоо нь эцсийнх байна.
2. Нөхөн төлбөрийг гуравдагч этгээдэд үл олгоно. Тоглогч нөхөн олговор төлөх үүрэг хүлээвэл тоглогч болон шинэ клуб харилцан уг төлбөрийг төлөлцөх үүрэгтэй. Нөхөн төлбөрийн хэмжээг талууд гэрээнд харилцан дурдана.

3. Нөхөн төлбөр төлөх үүргээс гадна дархлагдсан хугацаанд тоглогч гэрээг зөрчвөл спортын сахилгын арга хэмжээ ногдуулж болно. Тус сахилгын шийтгэл нь албан ёсны тоглолтонд тухайн тоглогчийг оролцох эрхийг 4 сар хасах байж болно. Зөрчил хүндэрвэл шийтгэлийн хугацааг 6 сар болгох боломжтой. Тухайн шийдвэрийг тоглогчид мэдэгдсэн даруйд шийтгэл хүчин төгөлдөр болж үйлчилнэ. Гагцхүү улирлын албан ёсны сүүлчийн тоглолт болон дараагийн улирлын албан ёсны эхний тоглолтын хооронд Спортын сахилгын шийтгэл ногдуулж болохгүй. Энэ заалт клубын оролцож буй олон улсын болон дотоодын уралдаан, тэмцээнд хамааралтай болно.

Хэрэв тус тоглогч Холбоог төлөөлөх багийн анхдагч гишүүн бөгөөд улирлын сүүлчийн албан ёсны тоглолт болон ирэх улирлын эхний тоглолт хоорондын хугацаанд олон улсын уралдаан, тэмцээнд оролцох бол тус сахилгын шийтгэлийг түдгэлзүүлнэ. Дархлагдсан хугацаа дуусгавар болсны дараа хүндэтгэн үзэх шалтгаан эсвэл спортын хүндэтгэн үзэх шалтгаангүйгээр зөрчил гаргавал спортын сахилгын шийтгэл тухайн тоглогчид ногдуулахгүй. Харин улирлын сүүлчийн тоглолтоос 15 хоногийн дотор гэрээг цуцалсан тухайгаа клубт албан ёсоор мэдэгдээгүй тохиолдолд дархлагдсан хугацаанаас гадуурх хугацаанд сахилгын арга хэмжээ авна. Дархлагдсан хугацаа гэрээг шинэчлэх үед дахин сэргэнэ.

4. Дархлагдсан хугацаанд гэрээг зөрчсөн эсвэл зөрчихийг завдсан буруутай нь нотлогдсон аливаа клубт нөхөн төлбөр төлүүлэхээс гадна спортын сахилгын шийтгэл ногдуулна. Өөрөөр заагаагүй бол мэргэжлийн гэрээ тоглогчтой байгуулсан аливаа клуб тоглогчийг гэрээг хүндэтгэн үзэх шалтгаангүйгээр эсвэл спортын хүндэтгэн үзэх шалтгаангүйгээр зөрчихэд хүргэж нөлөөлсөн бол тус клубыг буруутайд тооцно. Ингэсэн клубын дотоод болон гадаад тоглогч шинээр бүртгэх эрхийг 2 бүтэн болон дараалалсан 2 шилжилт хөдөлгөөний цонхоор хориглоно. Спортын зохих шийтгэлээ хүлээсэн клубыг дараагийн шилжилт хөдөлгөөний цонхоор эрхийг нь сэргээнэ. Ийм тохиолдолд 6.1-р заалт энэ заалтад үйлчлэхгүй.
5. ОУХБХ-ны Дүрэм болон бусад журмын дагуу шилжилт хөдөлгөөнийг хийлгэхийн тулд мэргэжлийн тоглогч болон клубын гэрээний асуудалд хөндлөнгөөс оролцсон аливаа этгээдэд сахилгын шийтгэл ногдуулна.

18

Клуб ба мэргэжлийн тоглогчдын хооронд хийсэн гэрээтэй холбоотой тусгай заалт

1. Дундын зууч шилжилт хөдөлгөөнд оролцсон бол гэрээнд тус дундын зуучийн мэдээллийг оруулна.
2. Гэрээний хүчинтэй хугацаа нь гэрээний хугацаа хүчин төгөлдөр болсон өдрөөс тухайн улирал дуусах хүртэлх хугацаанаас багагүй байх бөгөөд 5-аас ихгүй жилийн хугацаатай байна. Дотоодын хууль тогтоомжид өөрөөр заасан бол гэрээний хугацаа дээр дурдсанаас өөр байж болно. 18 нас хүрээгүй тоглогчидтой 3-аас ихгүй жилийн хугацаагаар мэргэжлийн гэрээ байгуулна. Түүнээс илүү хугацаагаар байгуулсан гэрээг хүчингүйд тооцно.
3. Тоглогчтой мэргэжлийн гэрээ байгуулах тохиолдолд өмнөх клубээс албан ёсны зөвшөөрөл авсны дараа гэрээ байгуулна. Одоогийн клубтэй хийсэн гэрээний хугацаа дууссан эсвэл дусахаас 6 сарын өмнөх үеэс тоглогчийг чөлөөт болсон гэж үзнэ. Энэ зүйл, заалтыг зөрчсөн тохиолдолд шийтгэл ногдуулна.

4. Гэрээг гагцхүү эрүүл мэндийн шинжилгээг давсан ба/эсвэл ажиллах тусгай зөвшөөрөл нь гарсан тохиолдолд хүчинтэй гэж үзнэ.
5. Мэргэжлийн тоглогч нэг хугацаанд нэгээс илүү гэрээ байгуулсан тохиолдолд 4-р бүлгийн зүйл, заалт үйлчилнэ.
6. Гэрээнд клубын зүгээс тоглогчид олгох төлбөртэй холбоотой хугацааг сунгах тухай аливаа заалтыг хүчингүйд тооцох бөгөөд ийм зүйл, заалтыг дотоодын хууль тогтоомжийн дагуу тоглогчийг төлөөлөх албан ёсны төлөөлөгч болон ажил олгогчдын харилцан тохиролцооны гарсан шийдвэрээр шийдвэрлэнэ. Одоо хүчин төгөлдөр мөрдөж буй гэрээнд энэ зүйл, заалт үл хамаарна.

18дэд Клубт гуравдагч этгээд нөлөөлөх

1. Багийн үйл ажиллагаа, бодлого, бие даасан байдал, ажил олгох ба тоглогч шилжүүлэхтэй холбоотой аливаа асуудлаар гуравдагч этгээдэд ашигтай байдал үүсгэхүйц гэрээг аль ч клуб байгуулж болохгүй.
2. Дээрх заалтыг зөрчиж гэрээ байгуулсан клубт, ОУХБХ-ны Сахилгын Хорооноос сахилгын арга хэмжээ авна.

18дэд' Тоглогчийн санхүүгийн эрхийг эзэмших гуравдагч этгээд

1. Тоглогчийн нэг клубээс нөгөө клубт шилжих ирээдүйн шилжилт хөдөлгөөнд бүрэн эсвэл зарим асуудалд оролцох, гуравдагч этгээд шилжилт хөдөлгөөн, нөхөн төлбөртэй холбоотой асуудал хариуцах зэргээр клуб гуравдагч этгээдтэй тохиролцоо хийхийг хориглоно.
2. Дээрх заалттай холбоотой шийдвэр 2015 оны 5-р сарын 1-нээс хүчин төгөлдөр болсон.
3. Хүчин төгөлдөр гэрээтэй тохиолдолд гэрээг дуусгавар болох хүртэл хугацаанд 18 дэд' 1-р заалт хүчин төгөлдөр үйлчилж болох ба гэрээг дахин сунгаж үл болно.
4. Энэ зүйлийн 1-р заалтын дагуух агуулгатай 2015 оны 1-р сараас 2015 оны 04-р сарын 30-ны хооронд хийсэн гэрээг хүчин төгөлдөр болсон өдрөөс хойш нэгээс илүү жил байхыг хориглоно.
5. 2015 оны 4-р сарын төгсгөлд 1-р заалт агуулсан аливаа гэрээг TMS системд оруулсан байх ёстой ба энэ төрлийн гэрээ байгуулсан клубүүд үндсэн гэрээ, гэрээний хавсралтуудыг системд оруулна.
6. ОУХБХ-ны Сахилгын Хороо дээрх үүргийг биелүүлээгүй клубт сахилгын шийтгэл ногдуулна.

19 Насанд хүрээгүй тоглогчийг хамгаалах

1. 18-аас доош насны бүхий л тоглогчдыг олон улсын шилжилт хөдөлгөөнд оролцуулахыг хориглоно.
2. Дараах 3 тохиолдолд дээрх заалтад үйлчлэхгүй. Үүнд:

- a) Тухайн клуб байрлаж буй улс руу хөл бөмбөгтэй хамааралгүй шалтгаанаар тоглогчийн эцэг эх нүүсэн тохиолдолд.
 - b) Европын Холбоо (EU) эсвэл Европын Эдийн Засгийн Бүсийн (EEA) нутаг дэвсгэрт байгаа улс орнуудын хооронд, 16-18 настай тамирчны шилжилт хөдөлгөөн явагдах тохиодолд. Дээрх тохиолдод шинэ клуб дараах хамгийн бага шалгуур үргийг биелүүлэх ёстой. Үүнд:
 - I) Тухайн тоглогчийг өөрийн улсын хамгийн өндөр зэрэглэлийн стандартуудад тохирсон бэлтгэл сургуулитанд хамруулж, хөл бөмбөгийн адил тэнцүү боловсрол олгоно.
 - II) Тухайн тоглогчид хөл бөмбөгийн боловсрол олгох болон бэлтгэл сургуулит хийлгэхээс гадна академик ба/эсвэл дунд сургуулийн/ эсвэл тусгай мэргэжлийн боловсрол олгох чиглэлээр боловсрол олгоно. Ингэснээр тухайн тоглогч мэргэжлийн хөл бөмбөг тоглохоо больсон үедээ хөл бөмбөгөөс өөр амьдралаар амьдрахад нь туслалцаа болох юм.
 - III) Тухайн тоглогчид дээд зэргийн анхаарал халамж тавьж, шаардлагатай бүхий л арга хэмжээг авна/тухайлбал, амьдрах байр сууцаар хангах, клубээс халамж анхаарал тавих хүн томилж өгөх гэх мэт/
 - IV) Тоглогчийн бүртгэл дээр тухайн Холбооноос дээр дурдсан үүргүүдийг биелүүлж байгаа гэсэн баталгааг гаргаж байх шаардлагатай.
 - c) Тоглогч нь улсынхаа хилээс 50 км-ээс хол зайд амьдардаггүй байх, тухайн тоглогчийг бүртгэж авахыг хүсч буй хөрш улсын Хөл Бөмбөгийн Холбооны клуб нь мөн улсынхаа хилээс 50 км-ийн дотор байрладаг байх. Тоглогчийн байнгын оршин судаг газар, клубын төв байрны хоорондох зайдээ 100км байна. Энэ тохиолдолд, тоглогч гэртээ үргэлжлүүлэн амьдарсаар байх бөгөөд энэ талаар тухайн 2 Холбоо хоорондоо тохирсон байх ёстой.
 - d) Арьс өнгө, шашин шүтлэг, иргэншил, нийгмийн аль нэг хэсэгт хамааралтайгаар, эсвэл улс төрийн үзэл бодол зэрэгээс хамаарч өөрийн эрх чөлөө, амь насанд нь аюул заналхийлэл болсноос үүдэж эх орноосоо өөр улс орон руу эцэг эхгүйгээр дүрвэж тухайн улс оронд түр оршин сууж буй тохиолдолд.
 - e) Боловсрол олох зорилгоор эцэг эхгүйгээр бие даан нэг орноос нөгөө орон руу нүүн суурьшиж буй оюутныг энэ ангилалд багтааж үзэх бөгөөд шинээр бүртгүүлж буй клуб тус тоглогчийг 18 нас хүртэл эсвэл хичээлийн жил дуустал, эсвэл хичээлийн хөтөлбөр дуусталх хугацаанд бүртгэнэ. Гэхдээ энэ үргэлжлэх хугацаа нэгээс илүүгүй жил байна. Ийм тохиолдолд тус шинэ клуб нь хууль ёсны, санхүү болон бусад баримт баталгаагаар мэргэжлийн бус, сонирхогчийн статустай клуб байна.
3. Үрд өмнө ямар ч клубт бүртгүүлж байгаагүй, шинээр бүртгүүлэх гэж буй улсын иргэншилгүй, тус улсад сүүлийн 5 жил оршин сууж байгаагүй тохиолдолд дээрх заалтууд хүчин төгөлдөр үйлчилнэ.
4. Дараах зохицуулалтыг дагаж мөрдөнө. Үүнд:
- a) Тухайн тоглогч 10-аас дээш настай бол 19.3-р зүйл, заалттай холбоотой аливаа олон улсын шилжилт хөдөлгөөнийг ОУХБХ-ны Тоглогчийн Эрх зүйн байдлын Хороо шийдвэрлэнэ. Гишүүн холбоо тухайн тоглогчтой холбоотой мэдээллийг тус хороо руу хүргүүлэх бөгөөд өмнөх холбоо ч энэ асуудалд байр сууриа илэрхийлэх боломжтой. Ахн удаа бүртгэх гэж буй тохиолдолд гишүүн холбоо Хорооны гаргасан шийдвэрийг үндэслэн бүртгэлжүүлнэ.
 - b) 10 наснаас доош насны тоглогч шилжүүлж авч байгаа бол тухайн Холбоо өөрийн клубээс ирсэн албан ёсны хүсэлтийг үндэслэн дээр дурдсан бүхий л заалтуудаас өөрт тохирох заалтыг үндэслэн тус тоглогчийг бүртгэн авч

болно.

- c) Тухайн нөхцөл байдлаас үүдэн гишүүн холбоо TMS системээр дамжуулан Хороо руу бичгээр хүсэлт хүргүүлж болно. Ийм тохиолдолд тухайн тоглогчийг сонирхогчийн клубт сонирхогч статустай тоглуулах болсноо мэдэгдсэн албан ёсны хүсэлтийг системээр дамжуулж зөвшөөрлөө авах үүрэгтэй. Харин ITC хүсэх, эсвэл анх удаа бүртгүүлэхээсээ өмнө тухайн гишүүн холбоо тус тоглогч дээр дурдсан бүхий л зүйл, заалтуудын аль нэгийг хангаж байгаа эсэхийг сайтар нягталж шалгана.
 - d) ОУХБХ-ны Сахилгын Хороо өөрийн дүрмийн дагуу дээрх зүйл, заалтуудыг зөрчсөн тохиолдолд сахилгын шийтгэл ногдуулах бөгөөд ITC гаргасан өмнөх холбоо болон тус шилжилт хөдөлгөөнд оролцсон клубт зохих шийтгэл ногдуулна.
6. Хорооны ажиллах зарчим болон насанд хүрээгүй тамирчны шилжилт хөдөлгөөнтэй холбоотой дэлгэрэнгүй заалт Хавсралт 2-т багтсан болно.

19дэд Академид суралцуулах зорилгоор насанд хүрээгүй тоглогч бүртгэх болон мэдээлэх

1. Клуб нь санхүүгийн болон хууль эрх зүйн хувьд ямарваа нэгэн байдлаар холбогдсон өөрийн харьяа Академитай бол тухайн Академид суралцдаг насанд хүрээгүй бүх тоглогчдын талаар өөрийн Холбоонд мэдээлэх үүрэг хүлээнэ.
2. Хууль бус, санхүүгийн хувьд асуудал бүхий академийн мэдээллийг холбоо бүр хянаж байх үүрэгтэй. Үүнд:
 - a) Улсын аварга шалгаруулах тэмцээнд оролцож буй клуб; түүний тоглогчдын мэдээллийг академийн үйл ажиллагаагаа явуулж буй улсын гишүүн холбоонд мэдээлэх эсвэл клуб өөрөө мэдээллээ хүргүүлэх;
 - b) Академид бэлтгэл хийх зорилгоор хамрагдаж буй насанд хүрээгүй тоглогчдын мэдээллийг тус академи үйл ажиллагаагаа явуулж буй улсын гишүүн холбоонд мэдээлэх.
3. Клуб эсвэл академиас мэдээлсэн насанд хүрээгүй тоглогчдын овог нэр, төрсөн огноог агуулсан бүртгэлийг гишүүн холбоо бүр хөтлөх үүрэгтэй.
4. Академи болон тоглогчид ОУХБХ-ны Дүрмийн дагуу хөл бөмбөгийн бэлтгэл сургуулилт хийж, зохион байгуулалттай хөл бөмбөгийг хүндэтгэх, ёс зүйн зарчмуудыг дээдлэх үүрэгтэй.
5. Дээр дурдсан заалтуудыг зөрчвөл ОУХБХ-ны Сахилгын Дүрмийн дагуу Сахилгын Хороо шийтгэл ногдуулна.
6. Хамрагдаж буй академийн харьяалагдах улсын иргэншилгүй насанд хүрээгүй тоглогчдын мэдээллийг энэ журмын 19-р зүйлд заасны дагуу мэдээлнэ.

20

Бэлтгэл сургуулилтын нөхөн төлбөр

1. Дараах тохиолдолд бэлтгэл сургуулилтын нөхөн төлбөрийг тоглогчид олгоно. Үүнд: (1) анх удаа мэргэжлийн статустай гэрээ хийж байгаа үед, (2) 23 нас хүртэлх хөл бөмбөгийн улирлын төгсгөлд хийгдсэн шилжилт хөдөлгөөн бүр нь мэргэжлийн гэсэн статустайгаар явсан бол тоглогчийн гэрээ дуусах үед эсвэл гэрээтэй үед шилжилт хөдөлгөөн хийгдсэнээс хамаарч нөхөн төлбөр олгоно. Энэ

журмын Хавсралт 4-т дэлгэрэнгүй тусгасан болно. Энэ зүйл, заалт охид, эмэгтэйчүүдийн хөл бөмбөгт хамааралгүй.

21

Нийтлэг эрх ашгийн нөхөн төлбөр (solidarity mechanism)

- Мэргэжлийн тоглогчийн шилжилт хөдөлгөөн гэрээ дуусахаас өмнө хийгдвэл, өмнөх клубт төлсөн нөхөн төлбөрийн зохих хувийг тухайн тоглогчийн боловсрол бэлтгэл сургуулитанд хувь нэмэр оруулсан аль ч клуб авна (хамтын оролцоо). Нийтлэг эрх ашигтай холбоотой нөхцлүүдийг журмын Хавсралт 5-д тусгасан.

22

ОУХБХ-ны чадамж

- Тоглогч ба клубын эрх ашгийг хохироохгүйгээр хөдөлмөр эрхлэлттэй холбоотой маргааныг иргэний шүүхээр шийдвэрлүүлэхийн өмнө гарц хайхын тулд ОУХБХ энэ талаар сонсох бүрэн эрхтэй:
 - ITC-гийн хүсэлт ба ITC-гийн хүсэлтэд дурдсан харилцаа, ITC-г гаргахтай холбоотой нарийн заалтуудтай холбогдуулж сонирхогч талын тавьсан шаардлага, гэрээ зөрчсөний улмаас ногдуулсан спортын сахилгын арга хэмжээ эсвэл нөхөн төлбөрийн асуудал зэрэг гэрээний хүчин төгөлдөр байдлыг хадгалахтай (13-18-р зүйл) холбоотойгоор клубүүд болон тоглогчдын хооронд үүссэн маргаанууд;
 - Холбооны бүтэц ба эсвэл эздийн болоод хуулийн этгээдүүдийн хооронд хөдөлмөрийн нөхцлийн талаар байгуулсан гэрээний түвшинд үндэсний хэмжээнд тогтоосон тоглогчдын болон клубүүдийн адил тэнцүү төлөөллийн зарчмыг бие даасан арбитрын шүүхээр хүндэтгэж үзээгүй, мөн шударгаар шүүн хэлэлцээгүй, клуб ба тоглогчийн хооронд хөдөлмөр эрхлэлтэй холбоотойгоор, олон улсын түвшний дасгалжуулагч нарын хооронд хөдөлмөр эрхлэлттэй холбоотой үүссэн маргаанууд;
 - Үндэсний хэмжээнд бие даасан арбитрын шүүх шударгаар шүүн шийдвэрлээгүй тохиолдолд клуб эсвэл Холбоо ба олон улсын дасгалжуулагч нарын хооронд хөдөлмөр эрхлэлтэй холбоотой үүссэн маргаанууд;
 - Өөр өөр Холбоонд харьяалалтай клубүүдийн хооронд бэлтгэл сургуулитын нөхөн төлбөр (20-р зүйл) болон нийтлэг эрх ашгийн тогтолцоотой (21-р зүйл) холбоотой үүссэн маргаанууд;
 - Өөр өөр Холбоонд харьяалалтай клубүүдийн хооронд тоглогчийн шилжилт хөдөлгөөн явагдсанаас үүдэлтэйгээр тухайн Холбоонд харьяалагддаг клубүүдийн хооронд нийтлэг эрх ашгийн тогтолцоотой холбогдож үсэн маргаанууд;
- Дээрх заалтуудын а) г) болон д)-д дурдсан тохиолдлуудаас бусад асуудлаар өөр өөр Холбоонд харьяалагдах клубүүдийн хооронд үсэн маргаанууд.

23

Тоглогчийн Эрх зүйн байдлын Хороо

- Тоглогчийн Эрх зүйн байдлын Хороо энэ журмын 24-р зүйлийн дагуу 22c ба f – тэй хамааралтай хэргүүдийг шийдвэрлэнэ.
- Тоглогчийн Эрх зүйн байдлын Хороо дундын зууч холбогдсон гэрээний маргааныг шийдвэрлэхгүй.

3. Тоглогчийн Эрх зүйн байдлын Хороо эсвэл Маргаан Шийдвэрлэх Танхимын шийдвэрлэх боломжгүй маргааныг Тоглогчийн Эрх зүйн байдлын Хорооны дарга ямар байгууллагаар зохицуулахыг шийдвэрлэнэ.
4. Тоглогчийн Эрх зүйн байдлын Хороо 3-аас багагүй гишүүдтэй байж, тухайн хэргийг бие даан ганц шүүгчээр шийдвэрлэнэ гэж заагаагүй бол дарга, дэд дарга нар тус хэрэгт заавал байна. Шуурхай эсвэл хангалттай баримт нотолгоо бүхий хууль ёсны хэрэг, тоглогчийн түр бүртгэл, Хавсралт 3, 8-р зүйл, Хавсралт За зэрэгтэй хамааралтай асуудалд хорооны дарга дангаараа эсвэл даргын томилсон тус хорооны гишүүн шийдвэр гаргаж болно. Ганц шүүгчийн шийдвэрээр гарсан шийдвэр эсвэл Тоглогчийн Эрх зүйн байдлын хорооны шийдвэрийг Спортын Арбитрын Шүүхийн өмнө давж заалдаж болно.

24

Маргаан Шийдвэрлэх Танхим

1. Маргаан Шийдвэрлэх Танхим ITC олгохтой холбоотой маргаанаас бусад 22a, b, d ба е заалтуутай холбоотой маргааныг шийдвэрлэнэ.
2. Маргаан Шийдвэрлэх Танхим 3-аас багагүй гишүүдийн оролцоотойгоор хэргийг шийдвэрлэх бөгөөд дан ганц шүүгчээр шийдвэрлүүлнэ гэж заагаагүй бол дарга, дэд дарга нар заавал оролцоно. Танхимын гишүүдээс клуб болон тоглогчид асуудал хариуцсан шүүгчдийг тохоон томилж болно. Дараах хэргүүдийг шийдвэрлэнэ. Үүнд:
 - i. 50.000 /тавин мянган/ төгрөгөөс дээш зарга бүхий маргаан;
 - ii. Бодит эсвэл хууль ёсны үндэслэлгүй эсвэл тодорхой илэрхий шийдвэр гаргах боломжтой бэлтгэл сургуулилтын нөхөн төлбөртэй холбоотой маргаан;
 - iii. Бодит эсвэл хууль ёсны үндэслэлгүй эсвэл тодорхой илэрхий шийдвэр гаргах боломжтой бэлтгэл сургуулилтын нөхөн төлбөртэй холбоотой нийтлэг эрх ашгийн маргаан.

Дээрх ii ба iii- заалт дахь маргааныг хорооны дарга эсвэл дэд даргыг ганц шүүгчээр шийдвэрлүүлэх хэрэг гэж үзэн тэдгээрээр шийдвэрлүүлнэ.

Хорооны шүүгч, дарга эсвэл дэд дарга бодит үндэслэл бүхий хэргийг авч хэлэлцэх үүрэгтэй. Тухайн хэргийг дан ганц шүүгчээр шийдүүлнэ гэж заагаагүй бол Танхим клуб ба тоглогчийн төлөөлөл бүхий тэгш тоотой гишүүдээс бүрдэнэ. Танхим эсвэл шүүгчээс гарсан шийдвэрийг Спортын Арбитрын Шүүхээр давж заалдаж болно.

3. Бэлтгэл сургуулилт болон нийтлэг эрх ашгийн нөхөн төлбөр зэрэгтэй холбоотой маргааныг TMS системд оруулж Маргаан Шийдвэрлэх Танхимын дэд хороогоор шийдвэрлүүлнэ. /Хавсралт 6./

24 дэд Санхүүтэй холбоотой шийдвэрийг биелүүлэх

1. Аль нэг тал буюу клуб эсвэл тоглогч нэгөө талд буюу клуб эсвэл тоглогчид төлбөрийг (үлдэгдэл төлбөр эсвэл нөхөн төлбөр) төлөх үүрэг хүлээсэн бол тус төлбөрийг хугацаанд нь төлөөгүйн улмаас гарах үр дагаврыг Тоглогчийн Эрх зүйн байдлын Хороо, Маргаан Шийдвэрлэх Танхим, Танхимын шүүгч, эсвэл бие даан шийдвэрлэх шүүгч бодож түүнтэй холбоотой шийдвэр гаргана.
2. Гаргасан шийдвэрийн үндэслэлд дараах зүйлсийг заавал оруулна. Үүнд:

- A. Клубын хувьд: Дотоод эсвэл гадаад тоглогчийг шинээр бүртгэх эрхийг хассан тохиолдолд тус хугацааг төлбөрийг төлөх хүртэлх хугацаанд шийдвэрлэнэ. Эрхийг хасах нийт хугацаа 3 бүрэн ба дараалалсан шилжилт хөдөлгөөний цонхаос ихгүй байна.
- B. Тоглогчийн хувьд: Төлбөр төлөх хүртэл зохион байгуулагдах албан ёсны тоглолтонд оролцох эрхийг хасах. Спортын шийтгэлийг оролцуулан нийт 6 сараар эрхийг хасна. Төлбөр төлөгдсөн тохиолдолд дээр дурдсан шийтгэлүүд хүчингүй болно.
- 3. Шийдвэр гарсны дараа төлбөр төлөгчид нэхэмжлэгч банкны мэдээллээ өгснөөс хойш 45 хоногийн дотор төлбөрийг төлөөгүй тохиолдолд эрх хасах, түдгэлзүүлэх шийтгэлүүд хүчин төгөлдөр хэвээр үлдэнэ.

25

Мөрдөх зарчим

1. Хэргийн хувьд ганцаар бие даан шийдвэр гаргах шүүгч болон Танхимын томилогдсон шүүгч тухайн хэргийг шийдвэрлэх хүсэлтийг хүлээн авснаас хойш 30 хоногийн дотор шийдвэрлэх ба Тоглогчийн Эрх зүйн байдлын Хороо эсвэл Маргаан Шийдвэрлэх Танхим 60 хоногийн дотор хэргийг шийдвэрлэх үүрэгтэй. Үүнтэй холбоотой асуудлыг тухайн хороо, танхимын хэрэг, маргаан шийдвэрлэх журмын дагуу шийдвэрлэнэ.
2. Тоглогчийн бэлтгэл сургуулилтын нөхөн төлбөр, нийтлэг эрх ашгийн нөхөн төлбөр зэрэгтэй холбоотой маргааныг Тоглогчийн Эрх зүйн байдлын Хороогоор буюу ганцаар бие даан шийдвэр гаргах шүүгч, томилогдсон шүүгч зэргээр шийдвэрлүүлэхэд 50,000 төгрөгийн өртөгтэй байна. Маргаанд ялагдсан тал тус төлбөрийг төлнэ. Төлбөртэй холбоотой мэдээллийг шийдвэрт тусгана. Клуб ба тоглогчийн гэрээ, хөдөлмөрийн гэрээтэй холбоотой маргааныг үнэ төлбөргүй шийдвэрлэнэ.
3. Энэ журмын зүйл, заалтыг зөрчсөн тохиолдолд журамд өөрөөр заагаагүй бол Сахилгын Дүрмийн дагуу шийтгэл ногдуулна.
4. Тухайн хэрэгт сахилгын хэрэг үүсгэвэл Тоглогчийн Эрх зүйн байдлын Хороо, Маргаан Шийдвэрлэх Танхим, ганцаар бие даан шийдвэрлэх шүүгч эсвэл Танхимын шүүгч тус хэргийг Сахилгын Дүрмийн дагуу шаардагдах материалаудын хамт Сахилгын Хороонд шилжүүлнэ.
5. Тоглогчийн Эрх зүйн байдлын Хороо, Маргаан Шийдвэрлэх Танхим, ганцаар бие даан шийдвэрлэх шүүгч эсвэл Танхимын шүүгч маргаан гарснаас хойш 2 жилээс илүү хугацаанд үргэлжилж байгаа хэргийг шүүн шийдвэрлэхгүй. Тухайн хэрэг бүрт хугацаатай холбоотой асуудлыг харгалзан үзнэ.
6. Тоглогчийн Эрх зүйн байдлын Хороо, Маргаан Шийдвэрлэх Танхим, ганцаар бие даан шийдвэрлэх шүүгч эсвэл Танхимын шүүгч аливаа маргааныг тухайн улсын дотоодын хууль тогтоомж, бусад дүрэм, журам болон спортын тусгайлсан дүрэм, журмыг харгалзан үзэж шийдвэр гаргана.
7. Маргаан шийдвэрлэхтэй холбоотой явцыг Тоглогчийн Эрх зүйн байдлын Хороо, Маргаан Шийдвэрлэх Танхимын ажиллах журмаар зохицуулна.

26

Түр арга хэмжээ

1. Энэ дүрэм хүчин төгөлдөр болохоос өмнө ОУХБХ-нд ирүүлсэн аливаа маргааныг өмнөх дүрмээр шийдвэрлэнэ. Дараах зүйлсээс бусад асуудлыг тус дүрмээр шийдвэрлэнэ. Үүнд:

- a) Бэлтгэл сургуулитын нөхөн төлбөртэй холбоотой маргаан;
- b) Нийтлэг эрх ашгийн нөхөн төлбөртэй холбоотой маргаан;
- c) 2001 оны 9-р сарын 01-нээс өмнө зурсан хөдөлмөрийн гэрээтэй холбоотой маргаан

Тус дүрэмд тусгаагүй аливаа маргааныг хэзээ буюу тус дүрэм хүчин төгөлдөр болсон хугацааны дараа эсвэл өмнө зурснаас шалтгаалан маргааныг шийдвэрлэнэ.

2. Гишүүн холбоод өөрийн улсын дүрэм журам болон 1-р зүйлд заасны дагуу нэмэлт өөрчлөлт хийх боломжтой бөгөөд ОУХБХ-гоор батлуулах үүрэгтэй. Гишүүн холбоо бүр 1.3а дахь зүйл, заалтыг ягштал дагаж мөрдөх үүрэгтэй.

27

Тусгагдаагүй асуудлууд

1. Энэ журамд тусгагдаагүй аливаа асуудлуудыг МХБХ-ны Зөвлөлөөр шийдвэрлэнэ.

28

Албан ёсны хэл

1. Тухайн нэг тайлбар нь Англи, Франц, Испани, Герман хэл рүү хөрвүүлэгдсэнээс маргаантай байвал Англи хэл дээрх эх бичгийн утгыг голлон баримтлана.

29

Журам хүчин төгөлдөр болох нь

1. Тус журмыг 2021 оны 03 дугаар сарын 17-ны өдөр МХБХ-ны Зөвлөлийн хурлаар шинэчлэн баталсан бөгөөд журам батлагдсан өдрөөс эхлэн хүчин төгөлдөр болж хэрэгжив.

Хавсралт 1. Тоглогчийг шигшээ багт чөлөөлөх

1

Талбайн хөл бөмбөгийн зарчим

1. Иргэншилтэй улсынхаа шигшээ багт дуудагдсан тоглогчийг клубууд чөлөөлөх үүрэгтэй. Энэ тухай эсрэг агуулга бүхий зүйл, заалтаар клуб ба тоглогч тохиролцоыг хориглоно.
2. Энэ Хавсралтын 1-р зүйлд заасны дагуу тоглогчийг олон улсын тэмцээний хуанлид заасан олон улсын тоглолтын цонхны үргэлжлэх хугацаанд чөлөөлөх бөгөөд тус тэмцээнүүд нь Дэлхийн аварга шалгаруулах тэмцээний шигшээ тоглолтууд, ОУХБХ-ны Тивийн аварга шалгаруулах цом, А Үндэсний шигшээ багийн оролцох аварга шалгаруулах тэмцээн болон гишүүн холбооны зохион байгуулдаг хамааралтай тоглолтуудад хамаарна.
3. Зохих түвшний оролцогч талуудтай зөвшилцөн ОУХБХ олон улсын тоглолтын хуанлийг 4 эсвэл 8 жилээр гаргана. Үүнд олон улсын тэмцээний цонх бүхий хугацааг оруулсан байна. ОУХБХ-ны тоглолтын хуанлид Дэлхийн аварга, Тивийн аварга шалгаруулах тэмцээн болон бусад холбоодын хамааралтай тухайн тоглолтуудын хуваарийг нэмнэ.
4. Олон улсын тэмцээний цонх 9 хоног үргэлжлэх бөгөөд тухайн сарын даваа гарagt эхэлж дараагийн 7 хоногийн мягмар гарагийн шөнө дуусна. Нэхөрсөг эсвэл албан ёсны тоглолтоос үл хамаарч нэг баг тухайн цонхны үеэр хоёроос ихгүй тоглолтонд оролцено. Тухайн тоглолтууд хоёр хоногийн зайдай зохион байгуулагдах ёстой ба лхагва гарагаас өмнөх гарагуудад эхэлж үл болно. Жишээ нь: /Пүрэв/ ням эсвэл бямба/ мягмар/ гэх мэт.
5. Тив хоорондын хасагдах шатны тоглолтуудаас бусад тохиолдолд олон улсын тоглолттой үеэр нэг тивийн багууд хоёр тоглолтууд хийнэ. Тус хоёр тоглолтын нэг нь нэхөрсөг тоглолт бол цагийн зөрүү, нислэгийн цагийн дагуу 5-аас илүүгүй цаг зарцуулах нислэг бүхий хол орших хоёр өөр тивийн улсад тоглолт хийж болно.
6. Олон улсын тоглолтын хуанлид орсон тоглолтуудад оролцуулах эрх бүхий ОУХБХ-ны олон улсын тоглолттой өдрөөс бусад өдрүүдэд тоглогчийг чөлөөлөх албагүй бөгөөд нэг жилд нэг тоглогчийг Үндэсний шигшээ багаас өөр шигшээ багт давхардуулан чөлөөлөх ёсгүй. Ингэх зайлшгүй тохиолдолд тус шийдвэрийг ОУХБХ-ны зөвлөл ОУХБХ-ны Тивийн холбоодын тэмцээнтэй уялдуулан гаргана.
7. Шигшээ багт дуудагдан тоглосон тоглогч даваа гарагийн өглөөнөөс хойш, буцаад клубтээ дараагийн долоо хоногийн лхагва гарагийн өглөөнөөс хойш очиж үл болно. Энэ зүйлийн 2 ба 3-р заалтад дурдсан анхны олон улсын тэмцээнд оролцож байвал тус тэмцээн эхлэх долоо хоногийн даваа гарагийн өглөөнөөс өмнө тухайн очих ёстой газар очиж багтайгаа бэлтгэл сургуулилтанд хамрагдана. Гишүүн холбоо тус тоглогчийг албан ёсны тоглолт дууссанаас нэг хоногийн дараа харьяалалтай клубт буцаана.
8. Клуб нь шигшээ багт дуудагдсан тоглогчийг албан ёсны шигшээ багийн цугларалт эхлэхээс 3-14 хоногийн өмнө чөлөөлнө. Шаардлагатай тохиолдолд хугацааг нэмж болно.
9. Шигшээ багийн ахлах дасгалжуулагч нь клубуудтэй уулзаж шигшээ багийн бэлтгэлийн төлөвлөгөөг танилцуулах ба клубын бэлтгэлийн төлөвлөгөөтэй харилцан уялдуулсан байна. Тамирчны бэлтгэлжилтийг хангах үүднээс

тамирчны тухайлсан /эрүүл мэнд, бэлтгэлтэй холбогдолтой/ асуудлаар клубын дасгалжуулагч нарт санал, зөвлөмж өгнө.

10. Шигшээ багт дуудагдсан тоглогчид цугларалт, байрлан бэлтгэлийн үеэс эхлэн ур чадвар болон амжилтуудыг нь харгалзан үзэж МХБХ-ноос урамшуулал олгож болно.
11. Шигшээ багт тамирчин бэлтгэн өгч буй клубүүдэд МХБХ-ноос урамшуулал олгож болно.
12. Энэ зүйлийн 11, 12 дахь хэсгүүдэд заасан урамшууллын хэлбэр, хугацаа, хувь хэмжээг хавсралтаар заах бөгөөд МХБХ-ны Зөвлөл /Шуурхай зөвлөл байж болно/-ийн хурлаар батална.
13. Шигшээ багийн бэлтгэлд болон цугларалтанд тоглогчийг дуудах хугацаа нь харилцан адилгүй байж болох бөгөөд клуб, багууд шигшээ багт дуудагдсан тамирчныг саадгүй чөлөөлж, сахилгын болон бусад дүрэм, журмыг зөрчихгүй байна.
14. Гишүүн холбооны шигшээ багт дуудагдсан тоглогч албан ёсны тоглолтоо дуусгаснаас 24 цагийн дотор клубт эргэн хэвийн үйл ажиллагаанд оролцох үүрэгтэй. Бүртгэлтэй клубын харьяалалтай тивээс өөр тивд харьяалалтай шигшээ багт дуудагдсан тохиолдолд тус хугацааг 48 цаг хүртэл сунгах боломжтой. Ийм тохиолдолд клубт бичгээр энэ тухай мэдээллийт албан ёсоор өгнө. Гишүүн холбоо тухайн тоглогчийг клубтээ дурдсан цагтаа аюулгүй очих хариуцлагыг хүлээнэ.
15. Энэ зүйлд заасан хугацаанд тоглогч өөрийн клубтээ очихгүй тохиолдолд МХБХ-ны Тоглогчийн Эрх зүйн байдлын Хороо дараах байдлаар дараагийн удаа тухайн тоглогчийг дуудсан тохиолдолд хэр хугацаанд чөлөөлөхийг шийдвэрлэнэ. Үүнд:
 - a) ОУХБХ-ны тоглолттой хугацаа: 2 хоног
 - b) Олон улсын оролцох эхний тоглолтын хугацаа: 5 хоног гэж тус тус тооцно.
16. Гишүүн холбоо тус зүйл, заалтыг удаа дараа зөрчсөн тохиолдолд ОУХБХ-ны Тоглогчийн Эрх зүйн байдлын Хороо дараах байдлаар шийдвэрлэнэ. Үүнд:
 - a) Дараагийн чөлөөлөгдөх хугацааг багасгах;
 - b) Дараагийн удаа шигшээ багт дуудах эрх бүхий гишүүн холбооны эрхийг хасах

1дэд Охид эмэгтэйчүүдийн хөл бөмбөгийн зарчим

1. Иргэншилтэй улсынхаа шигшээ багт дуудагдсан тоглогчийг клубүүд чөлөөлөх үүрэгтэй. Энэ тухай эсрэг агуулга бүхий зүйл, заалтаар клуб ба тоглогч тохиролцохыг хориглоно.
2. Энэ Хавсралтын 1-р зүйлд заасны дагуу тоглогчийг олон улсын тэмцээний хуанлид заасан олон улсын тоглолтын цонхны үргэлжлэх хугацаанд чөлөөлөх бөгөөд тус тэмцээнүүд нь Эмэгтэйчүүдийн Дэлхийн аварга шалгаруулах тэмцээний шигшээ тоглолтууд, ОУХБХ-ны Тивийн аварга шалгаруулах цом, А Ундэсний шигшээ багийн оролцох Олимпийн эрхийн төлөөх тоглолтууд болон аварга шалгаруулах тэмцээн болон гишүүн холбооны зохион байгуулдаг хамааралтай тоглолтууд багтана.
3. Зохих түвшний оролцогч талуудтай зөвшилцөн ОУХБХ олон улсын тоглолтын

хуанлийг 4 жилээр гаргана. Үүнд олон улсын тэмцээний цонхны хугацааг оруулсан байна. ОУХБХ-ны тоглолтын хуанлид Эмэгтэйчүүдийн Дэлхийн аварга, Олимпийн аварга шалгаруулах тэмцээн болон тухайн бусад холбоодын хамааралтай тоглолтуудын хуваарийг нэмнэ. Олимпийн аварга шалгаруулах тэмцээний эрхийн төлөөх тоглолтууд болон тивээс шалгарах эрхийн төлөөх тоглолтонд оролцох Эмэгтэйчүүдийн шигшээ багийн албан ёсны тоглолтуудын хугацааг тусгасан байна. Тухайн дурдсан баталсан хугацаанд тус тоглолтууд явагдаж дуусах ёстой бөгөөд тивийн холбоод энэ тухай ОУХБХ-нд хугацааг бичгээр тэмцээн болохоос хоёр жилийн өмнө мэдэгдэнэ.

4. Дараах гурван төрлийн тоглолтын өдрүүд байна. Үүнд:
 - a) Төрөл I: Шигшээ багийн үйл ажиллагаанд зориулсан тоглолттой долоо хоногийн Даваа гарагийн өглөөнөөс дараагийн долоо хоногийн Мягмар гарарт дуусах цонх. Тухайн шигшээ багууд олон улсын урьдчилсан шатны тоглолт эсвэл нөхөрсөг тоглолтоос үл хамаарч 2-оос ихгүй тоглолт хийнэ. Удаах тоглолт энэ үеийн Лхагва гарагаас эхлэн зохион байгуулагдах буюу 2 хоногийн зайдай хоёр дахь тоглолтыг зохион байгуулна. Жишээ нь: Пүрэв ба ням, бямба ба мягмар гараг гэх мэт.
 - b) Төрөл II: Нэг долоо хоногийн даваа гарагийн өглөөнөөс дараагийн долоо хоногийн лхагва гаргийн шөнө хүртэл 10 хоног үргэлжлэх цонх. Энэ нь нөхөрсөг эсвэл урьдчилсан шатны тоглолтуудыг зохион байгуулах ОУХБХ-ны өдрүүд гэж тооцно. Энэ өдрүүдээр баг тус бүр 3-аас ихгүй тоглолтонд оролцено. Пүрэв гарагаас эхлэн тоглолтуудын хуваарийг гаргах бөгөөд 2 тоглолтын хооронд хуанлийн 2 хоногийн зайдай байна. Жишээ нь: Пүрэв/ ням/ лхагва гэх мэт.
 - c) Төрөл III: Тивүүдийн хооронд зохион байгуулах Эмэгтэйчүүдийн Үндэсний шигшээ багуудын аварга шалгаруулах тэмцээн зохион байгуулах зорилго бүхий даваа гарагаас дараагийн долоо хоногийн бямба гараг хүртэл үргэлжлэх 13 хоногийг хэлнэ. Энэ үеэр баг тус бүр 4-өөс ихгүй тоглолтуудад оролцено. Пүрэв гарагаас эхлэн тоглолтуудыг гаргах бөгөөд тоглолт бүрийн хооронд 2 хоногийн зайдай байна. Жишээ нь: Пүрэв, ням, лхагва, бямба гэх мэт.
5. ОУХБХ-ны тоглолттой өдрүүдээс бусад үеэр 2-р заалтад дурдсан тоглолтуудыг зохион байгуулж тоглогчийг чөлөөлөхийг хориглоно.
6. Шигшээ багт дуудагдсан эмэгтэй тоглогч ОУХБХ-ны тоглолттой өдрүүдийн даваа гарагийн өглөө гэхэд шигшээ багтайгаа нэгдэж дараагийн долоо хоногийн лхагва гарагийн өглөө (төрөл I), пүрэв гарагийн өглөө (төрөл II), эсвэл ням гарагийн өглөө (төрөл III) гэхэд клубтээ эргэн очсон байна. Тивээс Олимпийн эрх авах аварга шалгаруулах тэмцээний эрхийн төлөөх эхний тоглолтын хувьд тоглогч шигшээ багтайгаа нээлтийн тоглолт болохоос өмнөх даваа гарагийн өглөө гэхэд нэгдсэн байх ба сүүлчийн албан ёсны тоглолтын маргааш өглөө нь клуб рүүгээ буцна. Дараагийн урьдчилсан шатны тоглолт бүхий тэмцээнд тоглогчийг 16 хоногоос хэтрэхгүйгээр чөлөөлнө. Үүнд даваа гарагаас клубтээ буцах хүртэлх хугацааг багтаасан болно. Энэ зүйлийн 2 ба 3-р заалтуудад тусгасан тэмцээнүүдийн хувьд даваа гарагаас хэтрэхгүйгээр ирж албан ёсны тоглолт дууссанаас нэг хоногийн дараа тоглогчийг клубт нь буцаана.
7. Гишүүн холбооны шигшээ багт дуудагдсан тоглогч албан ёсны тоглолт дууссанаас 24 цагийн дотор эргэн клубын хэвийн үйл ажиллагаанд оролцох үүрэгтэй. Бүртгэлтэй клубын харьяалалтай тивээс өөр тивд харьяалалтай шигшээ багт дуудагдсан тохиолдолд тус хугацааг 48 цаг хүртэл сунгах

боломжтой. Ийм тохиолдолд энэ тухай мэдээллийг клубт албан ёсоор бичгээр өгнө. Гишүүн холбоо тухайн тоглогчийг клубтээ дурдсан цагтаа аюулгүй очих хариуцлагыг хүлээнэ.

8. Клуб нь шигшээ багт дуудагдсан тоглогчийг албан ёсны шигшээ багийн цугларалт эхлэхээс 3-14 хоногийн өмнө чөлөөлнө. Шаардлагатай тохиолдолд хугацааг нэмж болно.
9. Шигшээ багийн ахлах дасгалжуулагч нь клубүүдтэй уулзаж шигшээ багийн бэлтгэлийн төлөвлөгөөг танилцуулах ба клубын бэлтгэлийн төлөвлөгөөтэй харилцан уялдуулсан байна. Тамирчны бэлтгэлжилтийг хангах үүднээс тамирчны тухайлсан /эрүүл мэнд, бэлтгэлтэй холбогдолтой/ асуудлаар клубын дасгалжуулагч нарт санал, зөвлөмж өгнө.
10. Шигшээ багт дуудагдсан тоглогчид цугларалт, байрлан бэлтгэлийн үеэс эхлэн ур чадвар болон амжилтуудыг нь харгалzan үзэж МХБХ-ноос урамшуулал олгож болно.
11. Шигшээ багт тамирчин бэлтгэн өгч буй клубүүдэд МХБХ-ноос урамшуулал олгож болно.
12. Энэ зүйлийн 11, 12 дахь хэсгүүдэд заасан урамшууллын хэлбэр, хугацаа, хувь хэмжээг хавсралтаар заах бөгөөд МХБХ-ны Зөвлөл /Шуурхай зөвлөл байж болно/-ийн хурлаар батална.
13. Шигшээ багийн бэлтгэлд болон цугларалтанд тоглогчийг дуудах хугацаа нь харилцан адилгүй байж болох бөгөөд клуб, багууд шигшээ багт дуудагдсан тамирчныг саадгүй чөлөөлж, сахилгын болон бусад дүрэм, журмыг зөрчихгүй байна.
14. Энэ зүйлд заасан хугацаанд тоглогч өөрийн клубтээ очихгүй тохиолдолд ОУХБХ-ны Тоглогчийн Эрх зүйн байдлын Хороо дараах байдлаар дараагийн удаа тухайн тоглогчийг дуудсан тохиолдолд хэр хугацаанд чөлөөлөхийг шийдвэрлэнэ. Үүнд:
 - a) ОУХБХ-ны тоглолттой хугацаа: 2 хоног
 - b) Олон улсын оролцох эхний тоглолтын хугацаа : 5 хоног гэж тус тус тооцно.
15. **Гишүүн холбоо тус зүйл, заалтыг удаа дараа зөрчсөн тохиолдолд ОУХБХ-ны Тоглогчийн Эрх зүйн байдлын Хороо дараах байдлаар шийдвэрлэнэ.** Үүнд:
 - a. Дараагийн чөлөөлөгдөх хугацааг багасгах;
 - b. Дараагийн удаа шигшээ багт дуудах эрх бүхий гишүүн холбооны эрхийг хасах

1дэд' Футзалын зарчим

1. Иргэншилтэй улсынхаа шигшээ багт дуудагдсан тоглогчийг клубүүд чөлөөлөх үүрэгтэй. Энэ тухай эсрэг агуулга бүхий зүйл, заалтаар клуб ба тоглогч тохиролцохыг хориглоно.
2. Энэ Хавсралтын 1-р зүйлд заасны дагуу тоглогчийг олон улсын тэмцээний хуанлид заасан олон улсын тоглолтын өдрүүдийн үргэлжлэх хугацаанд чөлөөлөх бөгөөд тус тэмцээнүүд нь Футзалын Дэлхийн аварга, тивүүдийн зохион байгуулдаг аварга шалгаруулах тэмцээн болон Үндэсний Футзалын шигшээ багийн оролцох тэмцээнүүдийг багтааж үзнэ.

3. Зохих шатны оролцогч талуудтай зөвшилцсөний дүнд ОУХБХ нь Футзалын олон улсын тоглолтын хуанлийг 5 жилээр гаргана. Үүнд олон улсын футзалын аварга шалгаруулах тэмцээн болон Футзалын дэлхийн аварга шалгаруулах тэмцээнүүдийн хугацааг тусгасан байна.
4. Дараах хоёр төрлийн олон улсын тоглолтын өдөр байна. Үүнд:
 - a) Төрөл I: Шигшээ багийн үйл ажиллагаанд зориулан даваа гарагийн өглөөнөөс дараагийн долоо хоногийн лхагва гараг хүртэлх 10 хоногийн хугацааны тоглолтын өдөр. Үүнд: оролцогч баг тус бүр нөхөрсөг эсвэл олон улсын тэмцээний урьдчилсан шат байхаас үл хамаарч 4 -өөс хэтрэхгүй тоглолтууд хийнэ. Энэ хугацаанд хоёроос илүүгүй өөр тивийн холбоодын багууд 4 өөс хэтрэхгүй албан ёсны тоглолтууд хийхийг зөвшөөрнө.
 - b) Төрөл II: Ням гарагаас дараагийн долоо хоногийн лхагва гараг хүртэлх 4 хоногийн хугацааг хэлэх бөгөөд тоглолтын төрлөөс үл хамаарч хоёр хүртэл тоглолт баг тус бүр тоглоно. Энэ үеэр нэг ижил тивд харьяалалтай холбоод хоёроос илүү тоглолт хийж болохгүй.
5. Дээр дурдсанаас бусад хугацаанд шигшээ багийн тоглогчийг клубээс дуудах албагүй.
6. Дээр дурдсан хоёр төрлийн аль ч үеэр шигшээ багийн тоглогч заасан хугацааны эхний өглөө шигшээ багтайгаа хамт байх ёстой бөгөөд албан ёсны тоглолт дууссанаас хойшихи пүрэв гарагийн өглөөнөөс өмнө клуб рүүгээ буцсан байна. ОУХБХ-ны Футзалын Дэлхийн аварга, Тивийн холбоодын зохион байгуулж буй албан ёсны зэрэг тэмцээнүүдэд тухайн тэмцээний сүүлчийн тоглолтын маргааш клуб рүүгээ буцна.
7. Клуб нь шигшээ багт дуудагдсан тоглогчийг албан ёсны шигшээ багийн цугларалт эхлэхээс 3-14 хоногийн өмнө чөлөөлнө. Шаардлагатай тохиолдолд хугацааг нэмж болно.
8. Шигшээ багийн ахлах дасгалжуулагч нь клубуудтэй уулзаж шигшээ багийн бэлтгэлийн төлөвлөгөөг танилцуулах ба клубын бэлтгэлийн төлөвлөгөөтэй харилцан уялдуулсан байна. Тамирчны бэлтгэлжилтийг хангах үүднээс тамирчны тухайлсан /эрүүл мэнд, бэлтгэлтэй холбогдолтой/ асуудлаар клубын дасгалжуулагч нарт санал, зөвлөмж өгнө.
9. Шигшээ багт дуудагдсан тоглогчид цугларалт, байрлан бэлтгэлийн үеэс эхлэн ур чадвар болон амжилтуудыг нь харгалзан үзэж МХБХ-ноос урамшуулал олгож болно.
10. Шигшээ багт тамирчин бэлтгэн өгч буй клубууддэд МХБХ-ноос урамшуулал олгож болно.
11. Энэ зүйлийн 11, 12 дахь хэсгүүдэд заасан урамшууллын хэлбэр, хугацаа, хувь хэмжээг хавсралтаар заах бөгөөд МХБХ-ны Зөвлөл /Шуурхай зөвлөл байж болно/-ийн хурлаар батална.
12. Шигшээ багийн бэлтгэлд болон цугларалтанд тоглогчийг дуудах хугацаа нь харилцан адилгүй байж болох бөгөөд клуб, багууд шигшээ багт дуудагдсан тамирчныг саадгүй чөлөөлж, сахилгын болон бусад дүрэм, журмыг зөрчихгүй байна.

13. Шигшээ багаас буцсанаас 24 цагийн дотор клубтээ буцсан байх бөгөөд шигшээ багийн үйл ажиллагаанаас хамаарч тив хооронд явж очиходо шалтгаалан 48 цаг хүртэл тус хугацааг сунгаж болно. Энэ тохиолдолд гишүүн холбоо клубт бичгээр албан ёсоор мэдэгдсэн байна. Гишүүн холбоо тухайн тоглогчийг клубтээ эргэн очсон эсэхийг хариуцна.
14. Дурдсан хугацаанд тоглогч клубтээ эргэн очоогүй тохиолдолд ОУХБХ-ны Тоглогчийн Эрх зүйн байдлын Хороо дараах байдлаар дараагийн удаа дуудах гишүүн холбоонд олгох хугацааг багасгаж шийдвэрлэнэ.
 - a) Олон улсын тоглолттой хугацаа: 2 хоногоор
 - b) Олон улсын тэмцээний үеэр : 5 хоног болгож багасгана.
15. Гишүүн холбоо тус зүйл, заалтыг удаа дараа зөрчсөн тохиолдолд ОУХБХ-ны Тоглогчийн Эрх зүйн байдлын Хороо дараах байдлаар шийдвэрлэнэ. Үүнд:
 - a) Дараагийн чөлөөлөгдөх хугацааг багасгах;
 - b) Дараагийн удаа шигшээ багт дуудах эрх бүхий гишүүн холбооны эрхийг хасах

Хавсралт 2

Насанд хүрээгүй тоглогчийг анх удаа бүртгэж авах болон олон улсын шилжилт хөдөлгөөнд оролцуулах (19-р зүйлийн 4-р заалт)

1

Зарчим

1. Урьд өмнө аль нэг улсын клубт харьялалгүй байсан насанд хүрээгүй тоглогчийг анх удаа бүртгэж авах буюу 19.3-р зүйл, насанд хүрээгүй тоглогчдыг олон улсын шилжилт хөдөлгөөнд оролцуулах буюу 19.2-р зүйл, заалттай холбоотой шилжилт хөдөлгөөнийг TMS системээр зайлшгүй хийнэ.
2. Өөрөөр заагаагүй бол 1-р зарчимтай холбоотой нэмэлт дэлгэрэнгүйг Тоглогчийн Эрх зүйн байдлын Хороо болон Маргаан Шийдвэрлэх Танхимиын дотоод ажиллах журамд заасан болно.

2

Гишүүн холбооны үүрэг

- a. Гишүүн холбоод 3 хоног тутам FIFA TMS системийн насанд хүрээгүй тоглогч гэдэг хэсгийг тогтмол шалгаж байх үүрэгтэй.
- b. 2.1 дэх заалтыг зөрчвөл гишүүн холбоо хариуцлага хүлээнэ.

3

Дэд хорооны бүрэлдэхүүн

1. Тоглогчийн Эрх зүйн байдлын Хороо тус хорооны дарга, дэд дарга, 9 гишүүдийг оролцуулсан дэд хороо томилно.
2. Асуудлыг нэн даруй шийдвэрлэх шаардлагын улмаас бүх гишүүдийг дангаар шийдвэр гаргах ганц шүүгч гэж үзэж болох бөгөөд, 3 ба түүнээс дээш гишүүд шийдвэр гаргах ерөнхий зарчимтай.

4

Шийдвэр гаргах дотоод журам

1. Шийдвэр гаргахад гишүүн бүр үнэнчээр шийдвэрлэхийг эрмэлзэнэ.
2. Шийдвэр гаргахад оролцож буй гишүүн бүр дэд хороонд үнэнийг хэлэх үүрэгтэй. Хороонд хуурамч мэдээлэл хэлсэн эсвэл хуурамч мэдээлэл систем рүү оруулсан тохиолдолд гишүүн холбоо эсвэл тус клубт сахилгын шийтгэл ногдуулна. Бичиг баримт хуурамчаар үйлдсэн тохиолдолд Сахилгын хороогоор шийтгэл ногдуулна.
3. Дэд хороо үнэн зэв шийдвэрлэх үүднээс бүхий л аргыг хэрэглэж болно.
4. Талууд энэ хавсралтад тусгасан үүргээ биелүүлж байгаа эсэхийг TMS хэлтэс шалгах ба талууд бодит үнэний төлөө хамтран ажиллах үүрэгтэй. Ялангуяа аль нэг талаас бичиг баримт, мэдээлэл эсвэл бусад төрлийн материал шаардсан тохиолдолд бодит шалтгааныг хэлж хамтран ажиллах үүрэгтэй. Аль нэг талын албан ёсны эзэмшиж буй мэдээлэл, материал болон бусад зүйлсийг шаардсан тохиолдолд талууд үүргээ хүлээж тус мэдээллээр хангах үүрэгтэй. Эдгээр заалтыг зөрчсөн тохиолдолд ОУХБХ-ны Сахилгын Хороонд асуудлыг шийдвэрлүүлнэ.

5

Шийдвэр гаргах явц эхлүүлэх, бичиг баримт цуглуулах

1. Гишүүн холбоо тухайн насанд хүрээгүй тоглогчийг анх удаа өөрийн холбоондоо бүртгэж авах гэж буй тохиолдолд тоглогчтой холбоотой хүсэлтийг TMS системд

оруулна. Системээс өөр аргаар хүсэлт явуулахыг хүлээж авахгүй болно.

2. Тухайн хэрэг бүрийн онцлогоос хамаарч хүсэлтэд дараах материалуудыг зайлшгүй хавсаргасан байна. Үүнд:
 - a. Тоглогчийн иргэний үнэмлэх эсвэл төрсний гэрчилгээ;
 - b. Тоглогчийн эцэг эхийн иргэний үнэмлэх;
 - c. Тоглогчийн төрсөн огноог гэрчлэх бичиг баримт;
 - d. Тоглогчийн гэрээ;
 - e. Тоглогчийн эцэг эхтэй зурсан гэрээ;
 - f. Тоглогчийн ажиллах зөвшөөрөл;
 - g. Эцэг эхийн ажиллах зөвшөөрөл;
 - h. Тоглогчийн оршин суугаа газрын зөвшөөрөл;
 - i. Эцэг эхийнх нь оршин суугаа газрын зөвшөөрөл;
 - j. Академик боловсролтой холбоотой бичиг баримт;
 - k. Хөл бөмбөгийн боловсролтой холбоотой бичиг баримт;
 - l. Орон сууц, гэртэй нь холбоотой бичиг баримт;
 - m. Эцэг эхийн асран халамжлах зөвшөөрөл;
 - n. Оршин суугаа газрын зайн хэмжээ: 50 м батлах бичиг;
 - o. Гишүүн холбооны зөвшөөрсөн бичиг;
 - p. Анх удаа бүртгэж авах гэж буй эсвэл шилжүүлж авах гэж буй хүсэлт.
3. Дээр дурдсан бичиг баримтыг бүрэн гүйцэд оруулаагүй тохиолдолд тус хүсэлтийг хүчингүйд тооцно. Шаардагдах бичиг баримт бүрэн гүйцэд орсон эсвэл орчуулга нь бүрэн гүйцэд хийгдэж оруулсан тохиолдолд хүсэлтийг хүлээж авна.
4. Хүсэлт гаргагч шаардлагатай гэж үзвэл бусад бичиг баримтуудыг оруулах үүрэгтэй. Дэд хороо ямар ч үед хүсэлт гаргагчаас нэмэлт мэдээлэл шаардаж болно.

6 Нэмэлт бичиг баримтууд

1. Олон улсын шилжилт хөдөлгөөний хувьд өмнөх холбооноос нууцлалгүй бичиг баримтуудыг шалгуулахаар TMS системээр хүсэлт очих бөгөөд TMS -т тус шилжилт хөдөлгөөнтэй холбоотой нэмэлт мэдээлэл, холбооны байр суурийг 7 хоногийн дотор оруулах үүрэгтэй.
2. Өмнөх гишүүн холбоо шаардлагатай гэж үзсэн нэмэлт бичиг баримтуудыг оруулж болно.
3. Өмнөх холбоо ямар нэг байр суурь илэрхийлээгүй тохиолдолд дэд хороо хавсаргасан бичиг баримт дээр үндэслэн шийдвэр гаргана.

7 Бичиг баримт үйлдэх хэл

1. ОУХБХ-ны албан ёсны 4 хэлээс өөр хэл дээр бичиг баримт үйлдэгдсэн бол зохих шатны орчуулга хийлгэж бичиг баримтыг илгээнэ. Ингэж үл чадваас энэ хавсралтын 5.3-д заасны дагуу дэд хороо бичиг баримтыг хүчингүйд тооцно.

8 Хугацаа

1. Зохих эцсийн хугацааг TMS системээр тогтооно.
2. Материал бүрдүүлэх эцсийн хугацааг тухайн гишүүн холбооны цагийн бүсийн дагуу тогтоох бөгөөд тус эцсийн хугацаанаас өмнө системд материал оруулна.

9

Шийдвэр танилцуулах, хууль ёсны засвар оруулах

1. TMS системээр дамжуулан зохих холбоонд шийдвэрийг танилцуулна. Системд оруулснаар тус шийдвэрийг хүчин төгөлдөр гэж үзэх бөгөөд шийдвэр танилцуулагдсан гэж үзнэ.
2. Мөн энэ үеэр гишүүн холбоо шийдвэртэй танилцах бөгөөд шийдвэр хүлээж авснаас 10 хоногийн дотор шийдвэрийн үндэслэлтэй танилцах бол бичгээр TMS системээр хүсэлт гаргана. Эс бөгөөс тус шийдвэр эцсийнх байна. Үндэслэлтэй танилцах хүсэлттэй гишүүн холбоонд системээр дамжуулан шалтгаан болон үндэслэлийг бичгээр хүргэх бөгөөд давж заалдах цаг хугацааг тухайн үндэслэл хүргэсэн өдрөөс тооцно.

Хавсралт 3

Шилжилт хөдөлгөөний систем (TMS)

1 Агуулга

1. Шилжилт хөдөлгөөний систем (TMS) гэдэг нь олон улсын шилжилт хөдөлгөөний мэдээллийг үнэн бодит дэлгэрэнгүй мэдэх зорилгоор бий болгосон систем бөгөөд тоглогч бүрийн шилжилт хөдөлгөөн, систем дэх бодит байнгын тогтолцоог бий болгох зорилготой систем юм.
2. TMS нь олон улсын шилжилт хөдөлгөөнд оролцогч талуудын үнийн дүнг нуух гэсэн оролдлогыг ил болгох ач холбогдолтой. Мөнгөн дүнг системд оруулснаар нэг нэрлэсэн дүнгээр тухайн шилжилт хөдөлгөөн хийгдэх бөгөөд шилжин ирж/явлж буй тоглогчдыг бодит шилжилт хөдөлгөөнөөс ялган салгах боломжийг гишүүн холбоонд олгож, мөнгө угаах бизнесээс урьдчилан сэргийлэх боломжтой.
3. TMS-ээр дамжуулж насанд хүрээгүй тоглогчдын эрхийг хамгаалах боломжтой. Насанд хүрээгүй тоглогчийг шилжүүлж авах тохиолдолд 19.4-р зүйлд заасны дагуу шилжүүлж авна. 19.2 болон 19.3-р зүйл, заалтуудын дагуу шинэ гишүүн холбоо зохих алхмуудыг хийж шилжилт хөдөлгөөнийг хийж дуусгана.
4. Энэ хавсралтад заасны дагуу TMS-ээр дамжуулж ITC хүсэх болон илгээнэ.
5. TMS-ээр дамжуулж талбайн хөл бөмбөгт мэргэжлийн болон сонирхогч статустай бүхий л олон улсын шилжилт хөдөлгөөнийг хийх үүрэгтэй. Системээс гадуурх шилжилт хөдөлгөөнийг хүчин төгөлдөр бус гэж үзэх бөгөөд тоглогч гэдэгт эрэгтэй, эмэгтэй бүх тоглогчийг хэлнэ. Олон улсын шилжилт хөдөлгөөн гэдэг нь гишүүн холбоодын хооронд шилжилт хөдөлгөөн хийгдэж буйг хэлнэ.
6. Талбайн хөл бөмбөгийн тоглогч TMS-ээр зайлшгүй шилжилт хөдөлгөөнөө хийлгэсэн байна. Дараагийн холбоондоо сонирхогчийн статусаар шилжиж буй бол клуб эсвэл TMS бүртгэлтэй этгээд, холбоо тус зааварчилгааг оруулна.

2 Систем

1. TMS гэдэг нь олон улсын шилжилт хөдөлгөөнийг хийх, удирдах, хянах боломж бүхий вэб дээр үндэслэсэн дата бааз юм. Үүнд холбоо болон клубүүд оролцох үүрэгтэй.
2. Шилжих төрлөөс хамаарч оруулах мэдээлэл харилцан адилгүй байна.
3. Шилжих гэрээ хийгээгүй олон улсын шилжилт хөдөлгөөний хувьд шинэ клуб гэрээгүй гэдгийг нотлох мэдээлэл оруулж гишүүн холбоо үүнтэй холбоотой дараагийн алхмуудыг хийнэ.
4. Шилжин ирэх гэрээ хийсэн тохиолдолд хоёр клуб тус тусдаа мэдээлэл оруулж TMS -т гэрээтэй холбоотой бичиг баримтуудыг зохих шатанд оруулна.
5. Энэ зүйлийн бусад заалттай холбогдуулан клубын зүгээс зохих шаардсан алхмуудыг хийсний дараа гишүүн холбоо ITC шилжүүлнэ. Тодорхойлтын 8-р хэсэг.

3 Систем эрх бүхий хэрэглэгч

1. Систем хэрэглэгч бүр үнэн зөвөөр системд хандах үүрэгтэй.

- Хэрэглэгч бүр TMS системийг тогтмол шалгаж, аливаа хүсэлт ирсэн эсэхэд хяналт тавьж ажиллана.
- Хэрэглэгчид зохих үүргээ биелүүлэх шаардлагатай бүхий л мэдээлэл, зүйлс байгаа эсэхийг нягтлах үүрэгтэй.

3.1 Клуб

- Клубүүд зохих шаардлагатай алхмуудыг TMS дээр хийнэ. Түүнчлэн шаардлагатай бичиг баримтуудыг оруулах үүрэгтэй.
- Клубүүд өөрт оногдсон үүргээ биелүүлэхийн тулд мэдлэг, чадварын сургалтанд хамрагдаж системийг бүрэн эзэмшсэн байна. Клуб бүр TMS менежер томилж тус системийг ажиллуулах чадварыг эзэмшигж, тус менежерийг солих шаардлага гарвал дор бүр нь орны хүнийг сургаж өөрт оногдсон үүргээ биелүүлэх ёстой. Шаардлагатай тохиолдолд TMS хэлтэс болон шуурхай утас гарсан асуудлыг шийдвэрлэхэд тусална. Энэ хавсралтын 5.3-р зүйлд дэлгэрэнгүй тусгасан болно.

3.2 Холбоо

- Гишүүн холбоо хөл бөмбөгийн улирлын хугацааг тогтмол хугацаанд шинэчлэн бүртгүүлэх үүрэгтэй. Шаардлагатай бол эрэгтэй, эмэгтэй тусдаа хөл бөмбөгийн улирал, клубүүдийн санхүүгийн чадавхийг ангилсан ангиллыг шинэчилж байх үүрэгтэй. Шилжилт хөдөлгөөнтэй холбоотой тоглогч шилжүүлж өгөх, ITC илгээх зэрэг алхмуудыг гүйцэлдүүлнэ.
- Шаардлагатай сургалт, мэдлэг олгох сургалтуудад гишүүн холбоо томилсон TMS менежерээ суулгаж мэдлэг, мэдээллээр хангах үүрэгтэй бөгөөд тус системийг ажиллуулдаг 2-оос баагүй менежертэй байна. Шаардлага гарвал TMS хэлтэс болон шуурхай утсанд холбогдон асуудлаа шийдвэрлүүлэх бүрэн боломжтой.

3.3 МХБХ-ны Ерөнхий нарийн бичгийн даргын газар

- МХБХ-ны ЕНБДаргын газрын зохих хэлтэс дараах үүрэгтэй.Үүнд:

- Дүрэм зөрчсөн тохиолдолд спортын сахилгын шийтгэл ногдуулах болон дүрэм зөрчихөөс урьдчилан сэргийлэх;
- Сахилгын шийтгэл системд оруулах;
- Гишүүн холбоо, клубын эрхийг түдгэлзүүлэх.

3.4 Нууцлал ба нэвтрэх

- Гишүүн холбоо, клуб TMS системд оруулсан мэдээллийг чандлан нууцлах бөгөөд нууцлалыг алдахаас урьдчилан сэргийлэх шаардлагатай бүхий л арга хэмжээг авах үүрэгтэй. Шууд оролцож буй тоглогчийн шилжилт хөдөлгөөнтэй холбоотой бүхий л мэдээллийг нууцлалын зэрэгт үзэж шаардагдах ажлаа зохих түвшинд гүйцэлдүүлнэ.
- Гишүүн холбоо, клуб эрх бүхий хэрэглэгчийг TMS-т нэвтрэх боломжоор хангана. Гишүүн холбоо, клуб тэдгээр хэрэглэгчдийг сонгох, зааварчилгаа өгөх болон хянах бүрэн эрхтэй.

4 Клубын үүрэг

- Тоглогчийн Эрх зүйн байдлын Хороо, Маргаан Шийдвэрлэх Танхимиын ажиллах дотоод журмын 9дэд зүйлийн дагуу клубүүд холбоо барих мэдээлэл, хаяг, утасны дугаар болон цахим мэйл зэрэг мэдээллээ цаг үргэлж системд шинэчилж байх Үүрэгтэй.
- Клубүүд олон улсын шилжилт хөдөлгөөн хийхдээ TMS системийг зайлшгүй

ашиглана.

3. Клуб, гишүүн холбоод (Хавсралт 3., 1.6 зүйл) шилжилт хөдөлгөөний дараах мэдээлэл оруулна. Үүнд:
 - a. Шилжилт хөдөлгөөний төрөл (тоглогч авах эсвэл тоглогч шилжүүлж өгөх);
 - b. Зээлээр эсвэл байнгын хугацаагаар тоглогч шилжүүлж авах эсэх;
 - c. Өмнөх клубтэй шилжилт хөдөлгөөний тохиролцоо хийсэн эсэх;
 - d. Тус шилжилт хөдөлгөөн нь тоглогч солилцоотой хамааралтай эсэх;
 - e. Зээлээр бол:
 - Тоглогч зээлээс буцаж ирэх эсэх; эсвэл
 - Зээлийг сунгах эсэх; эсвэл
 - Зээлийг байнгын шилжилт хөдөлгөөн болгож өөрчлөх эсэх.
 - f. Тоглогчийн овог нэр, иргэншил, төрсөн огноо;
 - g. Тоглогчийн өмнөх клубын нэр;
 - h. Тоглогчийн өмнөх холбоо;
 - i. Шилжилт хөдөлгөөн хийх огноо;
 - j. Зээлийн гэрээний эхлэх болон дуусах огноо;
 - k. Клубын дундын зуучийн мэдээлэл (нэр ба санхүү) ;
 - l. Өмнөх клубтэй хийсэн гэрээний эхэлсэн болон дууссан огноо;
 - m. Өмнөх клубтэй гэрээг цуцлах болсон шалтгаан;
 - n. Шинэ клубтэй хийх гэрээний эхлэх болон дуусах огноо;
 - o. Шинэ клубтэй хийх гэрээний цалингийн хэмжээ;
 - p. Тоглогчийн дундын зуучийн мэдээлэл;
 - q. Дараах төлбөртэй тус шилжилт хөдөлгөөн хамааралтай эсэх:
 - Шилжилт хөдөлгөөний тогтсон хураамж. (төлөлтийн график)
 - Гэрээг цуцалснаас үүдэж тоглогчийн өмнөх клубтэй хийсэн гэрээнд төлж буй аливаа төлбөр
 - Шилжилт хөдөлгөөний хураамж, түүнд тавигдах нөхцөл
 - Бэлтгэл сургуулилт олгосон багш эсвэл клубт нөхөн төлбөр
 - Нийтлэг эрх ашгийн нөхөн төлбөр
 - r. Төлбөрийн мөнгөн тэмдэгт;
 - s. Дээр дурдсан төлбөрүүд хийгдсэн дүн, шилжсэн огноо, баримт;
 - t. Банкны мэдээлэл;
 - u. Гуравдагч этгээдэд төлбөр төлсөн эсэх;
 - v. Тоглогчийн эдийн засгийн эрхийг гуравдагч этгээд эзэмшидэг эсэх;
 - w. Өмнөх клубт Тоглогчийн Эрх зүйн байдал (мэргэжлийн эсвэл сонирхогч) ;
 - x. Шинэ клубт байх Тоглогчийн Эрх зүйн байдал.
4. Клубүүд TMS системд шаардлагатай бичиг баримт болон алхмуудыг хийсэн байх үүрэгтэй.
5. Системд алдаатай мэдээлэл оруулсан бол түүнийгээ клуб засах үүрэгтэй.
6. ITC-г гагцхүү клубын зүгээс мэдээллээ бүрэн оруулсан тохиолдолд шилжүүлж өгнө.
7. Клуб системд аливаа төлбөрийн мэдээллийг мэдэгдэх үүрэгтэй. Тоглогчийн шинэ клубээс хуучин клубт шилжүүлэх, нөхөн төлөх төлбөр зэрэг бүхий л гэрээнд тусгасан төлбөрийн мэдээллийг оруулах ёстой. Төлбөр хүлээн авч буй клуб төлбөр хүлээн авснаа нотлох бичиг баримтыг системд оруулах үүрэгтэй.

5 Гишүүн холбооны үүрэг

- Гишүүн холбоо TMS системээр бүхий л олон улсын шилжилт хөдөлгөөнийг хийх үүрэгтэй.

5.1 Мастер data

- Эрэгтэй, эмэгтэй хөл бөмбөгийн улирлын мэдээлэл, цонх нээгдэж хаагдах хугацааг тухайн цонх нээгдэхээс 12-оос баагүй сарын өмнө системд шинэчлэх үүрэгтэй. Ямар ч тохиолдолд гишүүн холбоо оруулсан хугацааг дараагийн цонх нээгдтэл өөрчлөх боломжгүй. Цонх нээгдсэн үед өдрийг өөрчлөх боломжгүй. Цонхыг 6.2-р зүйлийн дагуу нээж хаана.
- Гишүүн холбоо цаг үргэлж клубүүдийн хаяг, утасны дугаар, холбоо барих бусад мэдээлэл болон клубын санхүүгийн ангиллыг шинэчилж байна.
- Гишүүн холбоо клуб болон тоглогчдод ОУХБХ-ны дугаар өгсөн байгаа эсэхийг нягтална.

5.2 Шилжилт хөдөлгөөнтэй холбоотой мэдээлэл

- Клуб шилжилт хөдөлгөөний эхний алхмыг хийхдээ Хавсралт З-ын 4.2-р зүйлийг баримтална. TMS систем ОУХБХ-ны тэмцээнд оролцсон олон тоглогчдын мэдээллийг агуулдаг. Хайж буй тоглогчийн мэдээлэл системд байхгүй бол өөр алхмыг системд хийнэ. ITC-г тоглогчийн мэдээллийг системд үнэн зөв оруулж өмнөх холбоо баталгаажуулсан тохиолдолд олгох боломжтой. Өмнөх холбоо өөрт байгаа мэдээлэл дээр үндэслэн тухайн шилжилт хөдөлгөөнийг цуцлах эрхтэй. Тус тоглогчтой холбоотой аливаа мэдээлэл үнэн эсэхийг өмнөх холбоо нэн даруй шалгах үүрэгтэй.
- ITC-г шинэ Холбоо зохих хугацаанд шаардах ёстой.
- ITC-г олгох эсэхийг өмнөх гишүүн холбоо зохих хугацаанд шалгаж шийдвэрлэнэ.
- ITC-г өмнөх Холбоо илгээсэн тохиолдолд шинэ Холбоо тоглогчийг буртгэж шилжүүлж авна.
- ITC өгөхөөст татгалзвал шинэ Холбоо татгалзсанг хүлээн зөвшөөрөх эсвэл маргах боломжтой.
- Түр бүртгэх тохиолдолд эсвэл шинэ Холбоо татгалзсан хариуг ганцаар шийдвэр гаргах шүүгчээр шийдвэрлүүлэн түр бүртгэвэл шинэ Холбоо тус бүртгэлтэй холбоотой мэдээллийг системд оруулах үүрэгтэй.

5.3 Клубыг сургах

- Клубүүд энэ дүрэмд заасан үүргээ биелүүлэхийн тулд гишүүн холбоод тэдэнд сургалт зохион байгуулах үүрэгтэй.

6 МХБХ-ны Ерөнхий нарийн бичгийн даргын газрын үүрэг

- Хүсэлтийн дагуу зохих хэлтэс дуудагдсан тоглогчоос бусад тохиолдлын бүхий л шилжилт хөдөлгөөнтэй холбоотой шийдвэр гаргах байгууллагуудын санал зөрөлдсөн шийдвэрт туслалцаа үзүүлнэ.
- Хүсэлтийн дагуу зохих хэлтэс шийдвэр гаргах байгууллагын чадамжтай холбоотой санал зөрөлдсөн асуудлыг шийдвэрлэнэ.
- Энэ дүрэмтэй холбоотой ОУХБХ шийдвэр гаргахдаа TMS системд буй бичиг баримтыг үндэслэн хэргийг шийдвэрлэж болно.

4. Спортын сахилгын шийтгэлийг системд зохих хэлтсээр дамжуулан оруулна.
5. Сахилгын шийтгэлийг зохих хэлтсээр дамжуулан системд оруулна.
6. Гишүүн холбоонд оногдуулсан сахилгын шийтгэлийг зохих хэлтсээр дамжуулан системд оруулна.

7 МХБХ-ны үүрэг

1. МХБХ системд нэвтрэх боломжтой эсэхийг шалгах үүрэгтэй. МХБХ болон түүний тус асуудал хариуцсан хэлтэс систем хэрэглэгчдийг бүртгэлээр хангаж зохих шалгуур үзүүлэлтийг шаардах эрхтэй.
2. TMS хэлтсээр дамжуулан шаардлагатай сургалт, семинар мэдээллээр хэрэглэгчдийг хангах үүрэгтэй.
3. Гишүүн холбоод болон тэдгээрийн клубүүд оноосон үүрэг хариуцлагыг биелүүлж байгаа эсэхийг зохих хэлтэс шалгаж хянах үүрэгтэй бөгөөд бодит үнэнийг аль аль талууд эрэлхийлж ажиллана. Тухайн хэлтэс аль нэг талын албан ёсоор эзэмшдэг бичиг баримт, мэдээлэл, бусад материалуудыг шаардах эрхтэй. Шилжилт хөдөлгөөнд оролцогч талууд тухайн этгээдийн бичиг баримт, мэдээлэл, өөр хэн нэгний албан ёсоор эзэмшдэг мэдээ, мэдээлэл, бичиг баримт болон бусад материалуудыг дагаж мөрдөх үүрэгтэй. Тус дүрмийг зөрчсөн тохиолдолд ОУХБХ-ны Сахилгын Хороогоор шийдвэрлүүлэхээр тус хэлтэс санал гаргаж болно.

8 Холбоод хооронд тоглогч шилжүүлэхтэй холбоотой журам

8.1. Зарчим

1. Аль нэг улсын гишүүн холбоонд харьялагдсан клубээс өөр улсын клубт шилжих тохиолдолд эдгээр хоёр улсын гишүүн холбоод тус тоглогчийн ITC-г шилжүүлж, шинэ Холбоо хүлээж авсан тохиолдолд тус тоглогчийг шилжсэн гэж үзнэ. Тус шилжилт хөдөлгөөнийг заавал TMS системээр хийнэ. Систем тоглогчийг зөвшөөрсөн ITC гаргах бөгөөд үүнээс өөр бичиг баримтыг албан ёсны зөвшөөрөл гэж үзэхгүй.
2. Шинэ гишүүн холбооны шилжилт хөдөлгөөний цонхны сүүлчийн өдөр тус тоглогчийн ITC-г хүсч болно.
3. Өмнөх гишүүн холбоо тоглогчийн хэл бөмбөгийн паспортыг ITC-г шилжүүлэхдээ хамтад нь шилжүүлнэ.
4. Өмнөх гишүүн холбоо тус тоглогчтой холбоотой аливаа сахилгын зөрчил байвал тус мэдээллийг системд оруулна.

8.2. ITC тоглогчид олгох

1. Гишүүн холбооны үүсгэсэн шилжилт хөдөлгөөний цонхны үеэр шинээр тоглогч шилжүүлж авах гэж буй клуб тухайн тоглогчийн шаардлагатай бүх мэдээллийг системд оруулж улмаар Шинэ Холбоо ITC-г өмнөх холбоонаас хүснэ. Хавсралт 3-ын 4.4-р зүйл. Шилжиж авах төрлөөс хамаарч дараах бичиг баримтуудыг TMS Системд оруулсан байна. Үүнд:
 - a. Шинэ клуб болон тоглогчтой хийсэн гэрээний хуулбар;
 - b. Шинэ клуб болон тоглогчдын хооронд хийсэн шилжилт хөдөлгөөн эсвэл зээлийн тохиролцооны тухай бичиг баримт (байгаа тохиолдолд);
 - c. Тоглогчийн иргэний үнэмлэх, иргэншил болон төрсөн огноог тодорхойлох

бичиг баримт хуулбар;

d. Тоглогчийн өмнөх клубтэй дуусгавар болсон гэрээний хуулбар, цуцалсан тохиолдолд цуцлах болсон шалтгаан;

e. Өмнөх клуб болон тоглогчдын хооронд эдийн засгийн эрхийг эзэмших дундын гуравдагч этгээд байхгүйг нотлох бичиг баримт (байгаа тохиолдолд).

Тоглогчийн санхүүгийн эрхийг эзэмших гуравдагч этгээд байгаа тохиолдолд түүнийг системд оруулсан байх. Бичиг баримтуудыг ОУХБХ-ны зохих хэлтсийн шаардсан формат хэлбэрээр оруулна.

ОУХБХ-ны албан ёсны 4 хэлээс өөр хэл дээр бичиг баримт бичигдсэн тохиолдолд шаардагдах хэлээр хөрвүүлэн орчуулж бичиг баримтыг системд оруулна. Эс бөгөөс тус бичиг баримтыг хүчин төгөлдөр бус гэж үзнэ.

Шинэ гишүүн холбоо тухайн тоглогчийн ITC-г хүлээж аваагүй тохиолдолд тус тоглогчийг албан ёсны тоглолтонд оролцуулахгүй.

2. Системд шаардлагатай зааварчилгаа болон эхний алхмуудыг бүрэн гүйцэд хийсэн даруйд шинэ гишүүн холбоо өмнөх клубт хандан ITC-г шаардана.
3. Өмнөх клубтээ мэргэжлийн статустай тоглож байсан тоглогчийн хувьд өмнөх гишүүн холбоо өмнөх клуб тухайн тоглогчтой хийсэн гэрээ дууссан эсэх, цуцалсан бол цуцалсан шалтгааныг шалгаж гэрээний маргаан гарсан эсэхийг тодруулна.
4. ITC системд хүссэн даруйд 7 хоногийн дотор өмнөх гишүүн холбоо дараах сонголтуудаас өөрт таарахыг сонгоно. Үүнд:
 - a) ITC-г шинэ гишүүн холбоонд шилжүүлж өөрийн бүртгэлээс тоглогчийг хасах;
 - b) ITC шилжүүлэхгүй болсон шалтгааныг дурдаж шилжүүлэхээс татгалзах. Ингэхдээ гэрээний хугацаа албан ёсоор дууссан эсвэл цуцалсан бол цуцалсан шалтгааныг магадлах.Өмнөх клубтээ мэргэжлийн гэсэн статустай байсан тоглогчид дээрх зүйл, заалт хамааралтай.
5. ITC-г өмнөх гишүүн холбоо шилжүүлсний дараа Шинэ Холбоо тухайн тоглогчийг бүртгэж авч ITC-г хүлээн авах ёстой.
6. Шинэ гишүүн холбоо өөрт ирсэн ITC-г 15 хоногийн дотор хүлээж аваагүй тохиолдолд тухайн тоглогчийг түр хугацаагаар шилжүүлж авна. Түр шилжүүлж авах хугацаа нэг жилийн хугацаатай байх бөгөөд Тоглогчийн Эрх зүйн байдлын Хороо тус бүртгэлийг хийх эсэхийг шийдвэрлэнэ. Түүнчлэн тоглогчийн өмнөх холбоо яагаад зөвшөөрлийг шилжүүлж өгөөгүй талаар тайлбар шалтгааныг дурдах эрхтэй.
7. Тоглогч клубтэй гэрээний маргаантай тохиолдолд өмнөх гишүүн холбоо нь тухайн тоглогчийн ITC-г шилжүүлэхгүй байж болно. Ийм тохиолдолд ОУХБХ тус асуудалд шийдвэр гаргана. Зохих шийдвэр гаргах байгууллага тус тоглогчийг түр хугацаагаар шилжүүлж авахыг зөвшөөрсөн тохиолдолд шинэ гишүүн холбоо шаардагдах бичиг баримт болон бүртгэлийн алхмуудыг гүйцэтгэнэ. Үүнтэй холбоотой маргааныг шинэ, хуучин болон тоглогч МХБХ-нд хандах эрхтэй. Маргаан хүлээн авснаас 60 хоногийн дотор МХБХ тус асуудлыг шийдвэрлэн сахилгын шийтгэл ногдуулах болон ITC олгох эсэхийг шийдвэрлэнэ. Спортын сахилгын шийтгэл ногдуулах бол ITC-г шилжүүлж өгөхөөс өмнө тус шийтгэлийг ногдуулна. ITC-г шилжүүлэхтэй холбоотой асуудалд гэрээг зөрчсөн гэж үзэж нөхөн төлбөр олгуулахгүй.

8.3. Мэргэжлийн тоглогчийг зээлээр авах

1. Дээр дурдсан дүрмийн зүйл, заалтууд нь энэ зүйл, заалтад нөлөөлөх бөгөөд нэг холбооноос нөгөө холбоо руу тоглогч зээлээр шилжүүлж авах клубүүдийн хооронд үүсэх харилцааг тус дүрэм зохицуулна.
2. Зээлээр тоглогч шилжүүлж авах тохиолдолд шинэ клуб зээлийн гэрээг системд оруулах бөгөөд тус гэрээнд тоглогч болон өмнөх клубын төлөөлөл гарын үсэг зурж баталгаажуулсан байна. Хавсралт 3-ын 8.2-р зүйл. Зээлийн нөхцлийг системд оруулсан байна.
3. Зээлийг үргэлжлүүлэх эсвэл байнгын бүртгэлтэй тоглогч болгох тохиолдолд эдгээр өөрчлөлтүүдийг системд цаг алдалгүй оруулсан байна.

8 Сахилгын шийтгэлүүд

8.1 Ерөнхий агуулга

1. Хавсралтад заасан аливаа зүйл, заалтыг зөрчсөн тохиолдолд клуб эсвэл гишүүн холбоонд сахилгын шийтгэл ногдуулна.
2. Системд хуурамч мэдээлэл, бичиг баримт оруулсан эсвэл хууль бусаар системийг ашигласан клуб эсвэл гишүүн холбоонд сахилгын шийтгэл ногдуулна.
3. Гишүүн холбоо болон клубүүд ТМС системд оруулж буй бичиг баримт, хийж буй үйлдлүүдээ бүрэн хариуцна.

8.2 Чадамж

1. ОУХБХ-ны Сахилгын Дүрмийн дагуу Сахилгын хороо зохих шийтгэлүүдийг ногдуулна.
2. ОУХБХ аливаа шийтгэлийг болсон үйл явдал дээр үндэслэн санаачлах эсвэл талуудын саналаар шийтгэлийг санал болгоно.
3. ОУХБХ-ны хэлтэс өөрийн эрх мэдлийн хүрээнд оногдуулах шийтгэлд санал болгож болох бөгөөд тодорхой нөхцлөөс бусад тохиолдолд ОУХБХ-ны Сахилгын Хороо дүрмийн дагуу шийтгэл ногдуулна.

8.3 Гишүүн холбоонд ногдуулах шийтгэл

1. ОУХБХ-ны Сахилгын дүрмийн дагуу дараах шийтгэлүүдийг гишүүн холбоонд ногдуулна.Үүнд:
 - a. Сануулах, анхааруулах;
 - b. Торгох;
 - c. Тэмцээнээс хасах;
 - d. Олгосон шагналыг хураах.
2. Эдгээр сахилгын шийтгэлүүдийг нэг дор хамтад нь эсвэл тус тусад нь ногдуулж болно.

8.4 Клубт ногдуулах шийтгэл

1. ОУХБХ-ны Сахилгын дүрмийн дагуу дараах шийтгэлүүдийг клубт ногдуулна.Үүнд:
 - a. Сануулах, анхааруулах;
 - b. Торгох;
 - c. Тоглолтын үр дүнг цуцлах ;
 - d. Ялагдал хүлээлгэх;

- e. Тэмцээнээс хасах;
 - f. Оноог бууруулах;
 - g. Доод шатлал /дивизион/ руу бууруулах;
 - h. Шилжилт хөдөлгөөн хийхийг хориглох;
 - i. Гавъяа шагналыг буцаан авах.
2. Эдгээр шийтгэлүүдийг нэг дор эсвэл тус тусад нь ногдуулж болно.

9 Шийдвэртэй холбоотой цаг хугацааны тухай

TMS хэлтсээс зохих шийдвэр гарсан тохиолдолд тус шийдвэрийг TMS системд оруулах ба цахим мэйл хэлбэрээр зохих талуудад харилцаа холбооны бүхий л аргуудыг ашиглан мэдэгдэнэ. Мэдэгдсэн үеэс эхлэн тохирох цаг хугацааг тооцож явна.

Хавсралт За. ТМС-ЭЭС ГАДУУР ГИШҮҮН ХОЛБООД ШИЛЖИЛТ ХӨДӨЛГӨӨНИЙ ХАРИЛЦААГ ЗОХИЦУУЛАХ ЖУРАМ

1 Үндэслэл

1. Тус журмаар футзалын тоглогчдын олон улсын шилжилт хөдөлгөөнтэй холбоотой харилцааг зохицуулна.

2 Зарчим

1. Аль нэг улсын гишүүн холбоонд харьялагдсан клубээс өөр улсын клубт шилжих тохиолдолд эдгэр хоёр улсын гишүүн холбоод тус тоглогчийн ITC-г шилжүүлж шинэ Холбоо хүлээж авсан тохиолдолд тус тоглогчийг шилжсэн гэж үзнэ. ОУХБХ-ны гаргасан тусгай анкет формоор шилжилт хөдөлгөөн явагдана.
2. Шилжилт хөдөлгөөний цонх хаагдахаас нэг хоногийн өмнө шинэ гишүүн холбоо ITC -г хүсч болно.
3. ITC илгээж буй гишүүн холбоо тоглогчийн хөл бөмбөгийн паспортыг хавсарган явуулах үүрэгтэй.

3 Мэргэжлийн тоглогчид ITC олгох

1. Шинээр тоглогч шилжүүлж авах гэж буй клубын харьялагдах шинэ гишүүн холбоо хуучин гишүүн холбооноос тухайн тоглогчийн ITC-г шилжилт хөдөлгөөний цонхны үеэр шилжүүлж авна. Ингэхдээ шинэ клубтэй хийсэн тоглогчийн гэрээний хуулбарыг хавсаргана. Шилжилт хөдөлгөөнтэй холбоотой тохиролцоо бүхий бусад зүйлсийг хавсаргана. Хуучин холбоо тухайн тоглогчийн ITC-г шилжүүлж өгөөгүй үед тухайн тоглогч албан ёсны тоглолтонд оролцохыг хориглоно.
2. Хүсэлтийн дагуу шинэ гишүүн холбоо нэн даруй хуучин холбооноос мэргэжлийн тоглогчийн ITC-г шаардана. Албан ёсны ITC хүлээн аваагүй тохиолдолд шинэ гишүүн холбоо тухайн тоглогчийг өөрийн клубын албан ёсны тоглогч гэж хүлээн зөвшөөрөхгүй.
3. ITC илгээх хүсэлт авсан даруйд хуучин холбоо өөрийн клубээс тус тоглогчтой хийсэн өмнөх гэрээ хэрхэн дуусгавар болсон шалтгааныг шалгаж, аливаа гэрээний маргаантай байгаа эсэхийг шалгана.
4. ITC илгээх хүсэлт хүлээн авснаас 7 хоногийн дотор дараах алхмуудыг өмнөх гишүүн холбоо хийх үүрэгтэй. Үүнд:
 - a) ITC-г шинэ гишүүн холбоонд шилжүүлэх; эсвэл
 - b) Шинэ гишүүн холбоонд зөвшөөрөл илгээх боломжгүй болсон талаар мэдэгдэж татгалзсан шалтгааныг тодорхой мэдэгдэх.
5. ITC-г шинэ гишүүн холбоо хүсэлт гаргаснаас 30 хоногийн дотор хариу хүлээж аваагүй тохиолдолд тухайн мэргэжлийн тоглогчийг өөрийн клубтээ түр хугацаагаар бүртгэж авах бөгөөд энэ нь нэг жилийн хүчинтэй байна. Тоглогчийн Эрх зүйн байдлын Хороо тус хугацааг шийдвэрлэж болох бөгөөд өмнөх гишүүн холбоо ITC илгээгээгүй шалтгаанаа илэрхийлнэ.
6. Өмнөх клуб болон тоглогч гэрээний маргаантай тохиолдолд өмнөх гишүүн холбоо ITC өгөхгүй байж болно. Ийм тохиолдолд өмнөх болон одоогийн шинэ гишүүн холбоо, тоглогчид ОУХБХ-нд хандах бүрэн эрхтэй бөгөөд тус асуудлыг 22-р зүйлээр зохицуулна. ОУХБХ хүсэлт хүлээн авснаас 60 хоногийн дотор тус маргааныг шийдвэрлэж ITC олгох эсэхийг эцэслэнэ. Гэвч спортын шийтгэл ногдуулах тохиолдолд эхлээд шийтгэл ногдуулж дараа нь ITC-г олгоно. ОУХБХ

үүссэн нөхцөл байдалтай холбоотой аливаа шийдвэрийг гаргана.

7. Факсаар ITC хүлээн авах хүртэл тухайн улирал дуустал тус тоглогчийг тоглуулах боломжоор хангах үүднээс шинэ гишүүн холбоо тоглогчийг түр бүртгэж болно. ITC эх хувиараа тухайн цаг хугацаанд багтан авч чадаагүй бол тус тоглогчийг тоглох боломжтой гэж үзнэ.
8. Шинэ клубт сонирхогчийн статустай тоглох мэргэжлийн тоглогчийн хувьд дараах дүрэм үйлчилнэ.

4 Сонирхогчийн статустай тоглогчид ITC олгох

1. Гишүүн холбооны нээсэн шилжилт хөдөлгөөний цонхны үеэр өөрт шилжүүлж авах гэж буй шинэ клуб тус тоглогчийн мэдээлэл хүсэлтийг шинэ гишүүн холбоонд мэдэгдэнэ.
2. Хүсэлтийг хүлээн авсан даруйд шинэ гишүүн холбоо нэн даруй тус тоглогчийн ITC-г өмнөх гишүүн холбооноос нь хүнэ.
3. Өмнөх гишүүн холбоо хүсэлт хүлээн авснаас 7 хоногийн дотор ITC-г шинэ гишүүн холбоонд шилжүүлнэ.
4. Шинэ гишүүн холбоо хүсэлт гаргаснаас 30 хоногийн дотор ITC-г аваагүй тохиолдолд түр хугацаагаар тус тоглогчийг бүртгэж авна. Түр хугацаа тухайн хүсэлт гарснаас хойш 1 жилийн хугацаанд хүчинтэй байна. Тоглогчийн Эрх зүйн байдлын Хороо тус хугацааг өөрчилж болно. Нэг жилийн дотор өмнөх гишүүн холбоо ITC шилжүүлээгүй шалтгаанаа мэдэгдэнэ.
5. Шинэ клуб рүү шилжих, мэргэжлийн статустай болохтой холбоотой асуудлыг дараах дүрэм, журмаар шийдвэрлэнэ.

5 Тоглогч зээлэх

1. Хоёр клуб хоорондоо тохиролцон тоглогчийг нэгээс нөгөө клуб рүү зээлээр шилжүүлж авч болно.
2. Зээлийн нөхцлийг ITC хүсэлттэй хамт мэдэгдэнэ.
3. Зээлийн хугацаа дуусмагц ITC эргэн чөлөөлсөн клубт шилжинэ.

Хавсралт 4

Бэлтгэл сургуулилтын нөхөн төлбөр

1 Зорилго

- Тоглогчид хөл бөмбөгийн бэлтгэл сургуулилт, боловсрол олгох үйл ажиллагаа 12-23 насыг хамаарна. Тоглогч 21 нас хүрэхээс өмнө бэлтгэл сургуулилтаа цуцалсан бодит баримт байхгүй тохиолдолд 21 нас хүртэл нь бэлтгэл сургуулилт хийсэнтэй холбоотой нөхөн төлбөрийг 23 нас хүрсэн тоглогчийн нөхөн олговрыг талууд төлөх үүрэгтэй. Тоглогчийг 23 нас хүрсэн жилийн хөл бөмбөгийн улирал дуусталх хугацааг нөхөн олговрын хугацаа гэж үзнэ. Гэхдээ нөхөн олговрын хэмжээг 12 нааснаас хэдэн нас хүртлээ бэлтгэл сургуулилтанд хамрагдсан жилээс хамаарч харилцан адилгүй тооцно.
- Бэлтгэл сургуулилтын нөхөн төлбөр төлөх үүрэг нь гэрээний үүргээ зөрчсөнөөс үссэн нөхөн төлбөр төлөх үүрэгтэй хамааралгүй болно.

2 Нөхөн төлбөрийн хэмжээ

- 23 нас хүрэх хөл бөмбөгийн улирлаас өмнө дараах тохиолдол гарвал нөхөн төлбөрийг төлнө. Үүнд:
 - Тоглогч анх удаа мэргэжлийн статустай гэрээ байгуулах үед; эсвэл
 - Мэргэжлийн тоглогч хоёр өөр улсын холбоодын хооронд шилжиж буй тохиолдолд (гэрээ хүчинтэй байх үеэр эсвэл гэрээ дуусгавар болох үед).
- Дараах тохиолдолд нөхөн төлбөрийг төлөхгүй. Үүнд:
 - Өмнөх клуб үндэслэлгүйгээр гэрээгээ цуцлах (өмнөх клубын эрх энд үл хамаарна); эсвэл
 - Санхүүгийн хувьд тухайн клуб 4 дүгээр ангилалд бол; эсвэл
 - Шилжих үедээ мэргэжлийн тоглогч сонирхогч статустай болбол.
- Хэрэв тоглогч шинэ клуб, багтай анхны мэргэжлийн гэрээгээ хийж байгаа тохиолдолд, тэр клуб, баг нь түүний хуучин клуб, багт нөхөн төлбөр төлөх үүрэгтэй. Төлөх төлбөрийн хэмжээг тухайн тоглогчийн клуб, багтай хийсэн сургалтын хугацаатай уялдуулан харьцуулсны үндсэн дээр тооцоолж гаргана.
- Тухайн клуб нь байнгын тогтмол үйл ажиллагаатай, сургалтын журнал хөтөлдөг байх шаардлагатай.
- Хэрэв мэргэжлийн тоглогч болон түүнийг сургаж дасгалжуулсан клуб, багийн хоорондын харьцаа тогтоогдохгүй тохиолдолд, эсвэл мэргэжлийн тоглогчийн хувьд тоглогч анх удаа бүртгүүлснээс хойш 18 сарын дотор аль клуб, багт бэлтгэгдсэн нь тогтоогдохгүй байвал сургалтын нөхөн төлбөр тухайн мэргэжлийн тоглогч бэлтгэгдсэн улсын Холбоонд нь төлөгдөх ёстой. Энэхүү нөхөн төлбөр нь тухайн Холбооны хүүхэд залуучуудын хөгжлийн хөтөлбөрт зориулагдана.
- Бэлтгэл, сургуулилтын болон хөл бөмбөгийн боловсролд зарцуулсан нөхөн төлбөрийг тооцоолохын тулд Холбоо нь клуб, багуудыг 4 ангилалд хуваана. Сургалтын нөхөн төлбөрийн зардлыг ангилал тус бүрээр дараах томъёогоор тогтооно. Үүнд:

А- Нэг тоглогчийг нэг жилд бэлтгэхэд шаардагдах зардлын хэмжээ

**В- Бэлтгэл сургалтанд хамрагдсан хугацаа /жилээр/
Н- Нөхөн олговрын хэмжээ**

$$A \times B = N$$

7. Бэлтгэл, сургуулилтын нэг жилийн нөхөн төлбөрийн хувьд AFC-гийн лиценз бүхий хуулийн этгээд, хөл бөмбөгийн клубүүдийн хувьд 1,000,000₮ /нэг сая төгрөг/, МХБХ-ны клуб лицензжүүлэлтэнд хамрагдсан лицензтэй хуулийн этгээд, хөл бөмбөгийн клубүүдийн хувьд 500,000₮ /таван зуун мянган төгрөг/-өөр тооцож нөхөн төлбөрийг төлнө.
8. Холбоо FIFA-гийн албан ёсны вебсайтад (www.FIFA.com) байршуулсан жишгийг үндэслэж клуб, багуудад ангилал, сургалтын нөхөн төлбөрийн зэрэглэлийг тогтооно.

3

Нөхөн төлбөрийг төлөх тал

1. Ахн удаа мэргэжлийн гэрээ байгуулж буй тоглогчийг тухайн клуб шилжүүлж авахдаа өмнөх бүртгэлтэй байсан клуб бүрт нөхөн төлбөрийг тоглогчийг бүртгэж авсан өдрөөс 30 хоногийн дотор бүрэн төлж дуусгах үүрэгтэй (тоглогчийн карьер буюу тоглогчийн хөл бөмбөгийн паспортын дагуу) ба эдгээр клубүүд 12 наснаас хойш тус тоглогчийг сургасан байх ёстой. Тухайн клуб бүртэй хийсэн бэлтгэл сургуулилтын жилээс хамаарч клуб бүрт төлөх төлбөрийн хэмжээ харилцан адилгүй байна. Мэргэжлийн тоглогч шилжиж буй тохиолдолд бэлтгэл сургуулилтын нөхөн төлбөрийг бэлтгэл сургуулилтанд хамрагдаж байсан өмнөх клубт төлбөрийг барагдуулна.
2. Дээрх хоёр тохиолдолд аль алинд нь төлбөр барагдуулах хугацаа нь бүртгэж эхэлсэн өдрөөс 30 хоног байна.
3. Төлбөр хүлээж авах байсан клуб дампуурсан, үйл ажиллагаагаа зогсоосон, татан буугдсан эсвэл алдагдал хүлээсэн тохиолдолд тус клубын оролцдог албан ёсны тэмцээнийг зохион байгуулдаг гишүүн Холбоонд тухайн нөхөн төлбөрийг өгнө. Ийм тохиолдолд нөхөн төлбөр хүлээн авсан гишүүн холбоо тус мөнгийг өсвөрийн хөл бөмбөгийн хөгжилд зарцуулах үүрэгтэй.

4

Бэлтгэл сургуулилтын зардал

1. Бэлтгэл сургуулилтанд зарцуулсан зардлын тооцоог гаргахын тулд гишүүн холбоо бүх бүртгэлтэй клубүүдээ 4-өөс багагүй ангилалд хуваана. Ангилал тус бүрт тухайн зарцуулсан зардлын тооцоолол харилцан адилгүй байх ба жилд нэг тоглогчид зарцуулсан зардлыг дундаж “тоглогчийн хувьсах тоо” (мэргэжлийн тоглогч болгох хүртэлх тухайн тоглогчийг бэлдэх хэрэгцээ шаардлагын хэмжээг хэлнэ) -г бэлтгэл сургуулилт хийсэн жилээр үржүүлж олно.
2. Бэлтгэл сургуулилтын зардлыг тивийн гишүүн холбоодын гаргасан стандарт хэмжээгээр гаргах бөгөөд ОУХБХ-ны албан ёсны вэбсайт дээр нийтэлнэ. Хуанлийн жилийн эцэст тус мэдээллийг шинэчлэх бөгөөд үүнээс хамаарч гишүүн холбоод өөрийн клубүүдийн ангиллыг шинэчилнэ.

5

Нөхөн төлбөрийн хэмжээг бодох аргачлал

1. Өмнөх клубт төлөх бэлтгэл сургуулилтын нөхөн төлбөрийн хэмжээг бодохын тулд шинэ клуб нэг тоглогчийг сургахад хэр их хөрөнгө зарцуулахыг авч үзэх шаардлагатай.

2. Ахь удаа мэргэжлийн тоглогчийн хувиар клубт ирж буй тоглогчийн хувьд шинэ клубын зарцуулах бэлтгэл сургуулилтын зардлыг 12-21 нас хүртэлх хугацаанд өмнөх клубт бэлтгэл хийхдээ зарцуулж байсан жилээр үржүүлэн бодож гаргана. Мэргэжлийн тоглогчийн статустайгаар өмнөх болон шинэ клубт тоглож буй тоглогчийн хувьд шинэ клубын зарцуулах зардлыг өмнөх клубт байсан бэлтгэл сургуулилт хийсэн жилээр үржүүлэн бодож гаргана.
3. Шинэ залуу тоглогчдын нөхөн төлбөрийг бодит байдлаас өөр, хэт өндөр үнэлэмжээр үнэлж болохгүй бөгөөд 12-15 (жишээ нь 4 улирал) насын хооронд бэлтгэл сургуулилт хийсэн зардлыг 4-р ангиллын клубын зарцуулах зардалтай адилтгаж үзнэ.
4. Маргаан Шийдвэрлэх Танхим төлөх төлбөрийн хэмжээнээс үүссэн аливаа маргааныг таслан шийдвэрлэх бөгөөд хэрэв илт үндэслэлгүй хэмжээ тогтоосон тохиолдолд зохих ёсоор хэлэлцэн шийдвэрлэх ёстой.
5. Клуб, багууд МХБХ-нд бүртгэлтэй тоглогчийг шилжилт хөдөлгөөний гэрчилгээний дагуу шилжүүлж авах /16 наснаас доош/, гэрээ байгуулах тохиолдолд нөхөн олговор төлж шилжилт хөдөлгөөн хийгдэнэ. Сургалтын нөхөн төлбөрийг тооцоолоходдо 12 наснаас эхлэн түүнийг сургах үйл ажиллагаа хэдийд дууссаныг тогтоосон тэр хугацааны хоорондох онуудыг хамааруулан бодож гаргана.

6

Европын холбоо дахь дагаж мөрдөх тусгай журам

1. Европын холбооны бүс улсуудад нэг гишүүн холбооноос нэгээ гишүүн холбоонд шилжиж буй тоглогчдын хувьд дараах байдлаар нөхөн төлбөрийн хэмжээг тогтооно. Үүнд:
 - a) Доод зэрэглэлээс дээд зэрэглэлийн клубүүд рүү шилжиж буй тохиолдолд тус хоёр клубын бэлтгэл сургуулилтын зардлын дундаж дүнгээр нөхөн төлбөрийн хэмжээг тооцно.
 - b) Дээд зэрэглэлээс доод зэрэглэлийн клубүүд рүү шилжвэл доод зэрэглэлийн клубын бэлтгэлийн зардлаар тогтооно.
2. Европын холбооны газар нутагт хугацаанаас өмнө бэлтгэл сургуулилтаа дуусгасан нь батлагдвал бэлтгэл сургуулилтын эхний улирлыг 21 нас хүрэхээс өмнө эхэлсэнд тооцож болно.
3. Өмнөх клуб тоглогчтой гэрээ зураагүй бол нөхөн төлбөр төлөх ёстой гэж шинэ клуб үзэх хүртлээ тус клубт нөхөн төлбөр төлөх албагүй. Өмнөх клуб хүчин төгөлдөр гэрээнийх нь хугацаа дуусахаас 60-аас багагүй хоногийн өмнө тоглогчтой гэрээ зурах хүсэлтэй байгаагаа илэрхийлнэ. Тус хүсэлт нь одоогийн хүчин төгөлдөр гэрээтэй энэ зэрэгцэхүйц байна. Энэ нь өмнөх клубын авах бэлтгэл сургуулилтын нөхөн төлбөртэй холбоотой заалтад үл харшилна.

7

Сахилгын шийтгэл ногдуулах

1. Энэ хавсралт дахь аливаа зүйл, заалтыг зөрчсөн тохиолдолд МХБХ-ны Сахилгын хороо сахилгын арга хэмжээ авна.
2. Энэ журамтай холбогдолтой үл ойлголцол үүсэн тохиолдолд FIFA-гийн “Тамирчдын статус ба шилжилт хөдөлгөөний журам”-ыг мөрдөнө.

Хавсралт 5

Нийтлэг эрх ашгийн нөхөн төлбөр

1

Нийтлэг эрх ашгийн нөхөн төлбөр буюу solidarity mechanism

- Хүчин төгөлдөр гэрээтэй байх үедээ мэргэжлийн тоглогч шилжвэл өмнөх клубт төлөх бэлтгэл сургуулитын нөхөн төлбөрөөс бусад нөхөн төлбөр буюу шинэ клубын зүгээс төлөх аливаа нөхөн төлбөрийн хэмжээнээс 5 хувийг хасч өмнөх бэлтгэл сургуулит хийлгэж байсан клубууддэд нөхөн төлбөрийг олгоно. 12-23 нас хүртлээ бэлтгэл сургуулит хийлгэж байсан клубууддэд энэ нөхөн төлбөр хамааралтай бөгөөд дараах хувиар нөхөн төлбөрийг шинэ клуб олгоно. Үүнд:
 - 12 настай байх үеийн улирал: аливаа нөхөн төлбөрийн 5 % ын 5%
 - 13 настай байх үеийн улирал: аливаа нөхөн төлбөрийн 5 % ын 5%
 - 14 настай байх үеийн улирал: аливаа нөхөн төлбөрийн 5 % ын 5%
 - 15 настай байх үеийн улирал: аливаа нөхөн төлбөрийн 5 % ын 5%
 - 16 настай байх үеийн улирал: аливаа нөхөн төлбөрийн 5 % ын 10%
 - 17 настай байх үеийн улирал: аливаа нөхөн төлбөрийн 5 % ын 10%
 - 18 настай байх үеийн улирал: аливаа нөхөн төлбөрийн 5 % ын 10%
 - 19 настай байх үеийн улирал: аливаа нөхөн төлбөрийн 5 % ын 10%
 - 20 настай байх үеийн улирал: аливаа нөхөн төлбөрийн 5 % ын 10%
 - 21 настай байх үеийн улирал: аливаа нөхөн төлбөрийн 5 % ын 10%
 - 22 настай байх үеийн улирал: аливаа нөхөн төлбөрийн 5 % ын 10%
 - 23 настай байх үеийн улирал: аливаа нөхөн төлбөрийн 5 % ын 10%
- Дараах тохиолдолд бэлтгэл хийлгэж буй клуб нийтлэг эрх ашгийн нөхөн төлбөрөөс 5%-ыг авах эрхтэй. Үүнд:
 - хоёр өөр холбоонд харьяалалтай клубууд рүү тогтмол эсвэл зээлийн хэлбэрээр мэргэжлийн тоглогч шилжиж буй тохиолдолд;
 - нэг холбооны хоёр өөр клубт тогтмол эсвэл зээлийн хэлбэрээр шилжих боловч бэлтгэл хийлгэж буй клуб тус холбооноос өөр холбоонд гишүүнчлэлтэй бол.

2

Төлбөр төлөх явц

- Шинэ клуб тоглогчийг бүртгэж авсан өдрөөс 30-аас ихгүй хоногийн дотор багтааж төлбөрийг төлөх бөгөөд эхний төлбөр төлснөөс 30 хоногийн дотор дараагийн төлбөрийг төлнө.
- Шинэ клуб тухайн клубын зүгээс өмнөх клубууддэд төлөх нөхөн төлбөрийн хэмжээг тоглогчийн паспорт дээр үндэслэн тооцож гаргана. Үнэн зөв мэдээлэл өгөх үүднээс тоглогч тус асуудалд туслах үүрэгтэй.

3. Гишүүн холбооны өөрийн зохион байгуулсан тэмцээн уралдаанд оролцдог клуб татан буугдсан, дампуурсан эсвэл алдагдалд орсон буюу үйл ажиллагаа явуулах боломжгүй болсон тохиолдолд тус клубт олгох нэхэн төлбөрийг гишүүн холбоонд шилжүүлнэ. Тус нэхэн төлбөрийн орлогыг өсвөр үеийн хөл бөмбөг хөгжүүлэхэд зарцуулах үүрэгтэй.
4. Сахилгын хороо тус хавсралтад тусгасан зүйл, заалтыг зөрчсөн тохиолдолд шаардагдах сахилгын арга хэмжээг ногдуулна.

Хавсралт 6

Бэлтгэл сургуулилт болон нийтлэг эрх ашгийн нөхөн төлбөртэй холбоотой зүйл

1 Зарчим

1. Клуб болон гишүүн холбоод 3-аас багагүй хоног тутамд систем дэх хүсэлт гэсэн хэсгийг тогтмол шалгаж аливаа хүсэлт ирсэн эсэхийг шалгаж байх үүрэгтэй.
2. Мэргэжлийн клуб болон гишүүн холбоод 1-р зүйлд заасан үүргээ биелүүлээгүйгээс үүдэх аливаа эрсдэл, хариуцлагыг бүрэн хүлээнэ.

2 Клуб ба гишүүн холбооны хүлээх үүрэг

1. Энэ журмын 20 ба 21-р зүйл дэх бэлтгэл сургуулилт болон нийтлэг эрх ашгийн нөхөн төлбөртэй холбоотой аливаа хүсэлтийг TMS системээр шийдвэрлүүлнэ. TMS системд бүртгэлтэй клуб тус хүсэлтээ илэрхийлэх бөгөөд хэрэв системд нэвтрэх эрхгүй бол гишүүн холбоо тус хүсэлтийг системд оруулна.
2. Өөрөөр заагаагүй бол дээрх хүсэлттэй холбоотой аливаа асуудлыг Тоглогчийн Эрх зүйн байдлын Хороо ба Маргаан Шийдвэрлэх Танхимиын ажиллах журмаар зохицуулна.

3 Дэд хорооны бүрэлдэхүүн

1. Маргаан Шийдвэрлэх Танхим өөрийн танхимиын гишүүдээс бүрдсэн дэд хороо томилж болно. Хорооны гишүүн бүр ганцаар шийдвэр гаргах эрх бүхий шүүгч байна.

4 Шийдвэр гаргах дотоод журам

1. Шийдвэр гаргахад гишүүн бүр үнэнчээр шийдвэрлэхийг эрмэлзэнэ.
2. Шийдвэр гаргахад оролцож буй гишүүн бүр дэд хороонд үнэнийг хэлэх үүрэгтэй. Хороонд хуурамч мэдээлэл хэлсэн эсвэл хуурамч мэдээлэл системруу оруулсан тохиолдолд гишүүн холбоо эсвэл тус клубт сахилгын шийтгэл ногдуулна. Бичиг баримт хуурамчаар үйлдсэн тохиолдолд МХБХ-ны Сахилгын хорооноос шийтгэл ногдуулна.
3. Дэд хороо үнэн зөв шийдвэрлэх үүднээс бүхий л аргыг хэрэглэж болно.
4. Талууд энэ хавсралтад тусгасан үүргээ биелүүлж байгаа эсэхийг TMS хэлтэс шалгах ба талууд бодит үнэний төлөө хамтран ажиллах үүрэгтэй. Ялангуяа аль нэг талаас бичиг баримт, мэдээлэл эсвэл бусад төрлийн материал шаардсан тохиолдолд бодит шалтгааныг хэлж хамтран ажиллах үүрэгтэй. Аль нэг талын албан ёсны эзэмшиж буй мэдээлэл, материал болон бусад зүйлсийг шаардсан тохиолдолд талууд үүргээ хүлээж тус мэдээллээр хангах үүрэгтэй. Эдгээр заалтыг зөрчсөн тохиолдолд МХБХ-ны Сахилгын Хороонд асуудлыг шийдвэрлүүлэх эрхтэй.

5 Бэлтгэл сургуулилттай холбоотой нөхөн төлбөр авах хүсэлт гаргахад бүрдүүлэх бичиг баримт

1. Нөхөн төлбөрийг хүсэхдээ 1.1-д заасны дагуу талууд TMS-т хүсэлтээ оруулна. Системээс өөр аргаар хүсэлт илгээхийг хориглоно.
2. Тухайн хүсэлт бүр харилцан адилгүй байх ба тухайн гишүүн холбоо дараах бичиг баримтуудыг бүрдүүлж системд оруулна. Үүнд:
 - Талуудын овог нэр;
 - Үүссэн нөхцөл байдлын тухай дэлгэрэнгүй мэдээлэл, хүсэлт гаргах болсон үндэслэл;
 - Нэхэмжилж буй үнийн дүн;
 - Клубын ангилал (I, II, III, IV);
 - Тухайн гишүүн холбооны хөл бөмбөгийн улирал эхлэх болон дуусах хугацаа, улирлын аль үед тоглогч бүртгүүлсэн тухай мэдээлэл;
 - Тоглогчийн төрсөн огноо болон 12 наснаас хойш ямар клубуудэд тоглож байсан тухай тоглогчийн хөл бөмбөгийн паспорт, тоглогч клубуудэд тоглосон статус, тухайн клубт хэзээ хүртэл бүртгэлтэй байсан;
 - Мэргэжлийн тоглогчийн хувьд тухайн холбоонд бүртгүүлсэн он сар өдөр;
 - Дараагийн клуб рүү шилжсэн огноо;
 - Урьдчилгаа төлбөр төлөгдсөн эсэх баримт;
 - Гишүүн холбооны зүгээс өөрийн клубын ангиллыг баталгаажуулсан мэдээлэл (Европын гишүүн холбооны нутаг дэвсгэрт шилжиж буй тохиолдолд) ;
 - Хавсралт 4-ын 6.3-р зүйлтэй холбоотой бичиг баримтууд;
 - Хавсралт 4-ын 3.3-р зүйлтэй холбоотой бичиг баримтууд;
 - Итгэмжлэл (Хэрэв байгаа бол).
3. Шаардлагатай бичиг баримтуудыг системд оруулсан бол нэхэмжлэгчид энэ тухай системээр дамжуулж мэдэгдэнэ. Шаардлагатай бичиг баримт болон дагалдах орчуулга бүхий бичиг баримт системд бүрэн орсон тохиолдолд тухайн хүсэлтийг хүлээн авна.
4. Шаардлагатай гэж үзсэн нэмэлт бичиг баримтыг системд оруулж болно. Дэд хороо ямар ч үед нэмэлт бичиг баримт шаардах эрхтэй.
5. Системд бүртгэлгүй сонирхогчийн клуб гишүүн холбоогоороо дамжуулан хүсэлт гаргах боломжтой.

6 Нийтлэг эрх ашгийн нөхөн төлбөртэй холбоотой хүсэлт гаргах болон дагалдах бичиг баримтууд

1. Нөхөн төлбөрийг хүсэхдээ 1.1-т заасны дагуу талууд TMS-т хүсэлтээ оруулна. Системээс өөр аргаар хүсэлт илгээхийг хориглоно.
2. Тухайн хүсэлт бүр харилцан адилгүй байх ба тухайн гишүүн холбоо дараах бичиг баримтуудыг бүрдүүлж системд оруулна. Үүнд:
 - Талуудын овог нэр;
 - Тухайн хэргийн дэлгэрэнгүй мэдээлэл болон хүсэлт гаргах болсон үндэслэл;
 - Шилжилт хөдөлгөөн явагдсан хугацаа;
 - Тухайн шилжилт хөдөлгөөнд оролцсон клубуудийн мэдээлэл;
 - Хүсч буй нийтлэг эрх ашгийн нөхөн төлбөрийн хувь;
 - Тухайн гишүүн холбооны хөл бөмбөгийн улирлын эхлэх болон дуусах хугацаа;

- Гишүүн холбооны зүгээс тус клубт тоглогчийг хэзээ бүртгэж авсан тухай мэдээлэл;
 - Тоглогчийн төрсөн он сар өдөр болон түүнийг ямар статустайгаар тоглож буйг илтгэх мэдээлэл. Жишээ нь: сонирхогч эсвэл мэргэжлийн;
 - Шинэ клубтээ шилжсэн тоглогчтой холбоотой маргаантай дүн эсвэл хэр хэмжээний нэхэн төлбөр авах тухай мэдэхгүй байгаагаа мэдэгдсэн захиа;
 - Урьдчилгаа төлбөр авсан эсвэл аваагүй тухай баримт нотолгоо;
 - Хавсралт 5 ын 2.3-р заалттай холбоотой нотолгоо;
 - Итгэмжлэл (хэрэв байгаа бол).
3. Шаардлагатай бичиг баримтуудыг системд оруулсан бол нэхэмжлэгчид энэ тухай системээр дамжуулж мэдэгднэ. Шаардлагатай бичиг баримт болон дагалдах орчуулга бүхий бичиг баримт системд бүрэн орсон тохиолдолд тухайн хүсэлтийг хүлээн авна.
 4. Шаардлагатай гэж үзсэн нэмэлт бичиг баримтыг системд оруулж болно. Дэд хороо ямар ч үед нэмэлт бичиг баримт шаардах эрхтэй.
 5. Системд бүртгэлгүй сонирхогчийн клуб гишүүн холбоогоороо дамжуулан хүсэлт гаргах боломжтой.

7

Нэхэмжлэгчид мэдэгдэх

1. Шаардлагатай бичиг баримтуудыг мэдүүлж хүсэлтийг шийдвэрлэх үндэслэл байхгүй гэж үзвэл хүсэлтийг TMS системээс дамжуулан нэхэмжлэгч талд мэдэгдэнэ. Нэхэмжлэгч системээр дамжуулан мэдээлэл авснаас 20 хоногийн дотор хариу мэдэгдэл хийх эрхтэй. Түүнчлэн тус нэхэмжлэгч илгээгчийн ирүүлсэн материалтай танилцах эрхтэй. Бичиг баримтын нууцлалыг хангаж зохих журмыг дагаж бичиг баримттай танилцана. Дэд хороо ямар ч үед нэмэлт бичиг баримт шаардах бүрэн эрхтэй.
2. Хоёрдахь удаа хариу шаардах нөхцөл гагцхүү тусгай тохиолдолд зөвшөөрөх бөгөөд тус шаардлагыг TMS системээр дамжуулна.
3. 20 хоногийн дотор ямар нэг хариу аваагүй тохиолдод шийдвэрийг эцэслэнэ.

8

Бичиг баримтыг бүрдүүлэх хэл

1. Бүх бичиг баримтыг эх хувиар өгөх бөгөөд ОУХБХ-ны албан ёсны 4 хэлний аль нэг хэл рүү хөрвүүлсэн байна. Эс чадваас дэд хороо тус материалыг хучин төгөлдөр бус гэж үзнэ.

9

Хугацаа

1. Материал оруулах сүүлчийн хугацааг TMS-ээр дамжуулан мэдэгдэнэ.
2. Тухайн гишүүн холбооны цагийн бүсийн дагуу системд тогтоосон сүүлчийн хугацаанаас өмнө материалуудыг оруулна.

10

Шийдвэр танилцуулах, хууль ёсны засвар оруулах

1. TMS системээр дамжуулан зохих холбоонд шийдвэрийг танилцуулна. Системд оруулснаар тус шийдвэрийг хүчин төгөлдөр гэж үзэх бөгөөд шийдвэр танилцуулагдсан гэж үзнэ.
2. Мөн энэ үеэр гишүүн холбоо шийдвартэй танилцах бөгөөд шийдвэр хүлээж авснаас 10 хоногийн дотор шийдвэрийн үндэслэлтэй танилцах бол бичгээр TMS системээр хүсэлт гаргана. Эс бөгөөс тус шийдвэр эцсийнх гэж үзнэ. Үндэслэлтэй танилцах хүсэлттэй гишүүн холбоонд системээр дамжуулан бүрэн шалтгаан болон үндэслэлийг бичгээр хүргэх бөгөөд давж заалдах цаг хугацааг тухайн үндэслэл хүргэсэн өдрөөс тооцно.

Хавсралт 7

Футзалын Тоглогчийн Эрх зүйн байдал ба шилжилт хөдөлгөөн

1 Зарчим

- Энэ хавсралт нь ОУХБХ-ны Тоглогчийн статус ба шилжилт хөдөлгөөний журмын нэгээхэн бүрдэл хэсэг мөн болно.

2 Хамрах хүрээ

- Футзалын Тоглогчийн Эрх зүйн байдал ба шилжилт хөдөлгөөн гэдэг нь олон улсын хэмжээнд яригдах футзалын тоглогч болон тэдгээрийг зохион байгуулалттай хөл бөмбөгийн үйл ажиллагаанд оролцуулах, хоёр өөр холбооны харьяалалтай клубүүдийн хооронд шилжүүлэхтэй холбоотой харилцааг хэлнэ.
- Хавсралт 7-д тусгайлан футзал тоглогчдын хувьд өөрөөр заана гэж тусгаагүй бол футзалын тоглогчдын хувьд энэ дүрмээр бүхий л харилцааг зохицуулна.
- Нэг холбооны хоёр өөр клубын хооронд футзалын тоглогчийг шилжүүлж буй тохиолдолд тус харилцааг энэ журмын 1-р зүйлд заасны дагуу Гишүүн холбоодын өөрсдийн гаргасан тусгай журмаар зохицуулна.
- Дараах зүйл, заалтуудад тусгасан үг агуулгыг ямар нэг өөрчлөлтгүйгээр гишүүн холбоод заавал дагаж мөрдөнө. Үүнд: Зүйл 2-8, 10, 11, 12дэд, 18, 18дэд , 18дэд' , 19, 19дэд.
- Гишүүн холбоо бүр гэрээний тогтвортой байдлыг хангах, үлдэгдэл төлбөрийг бүрэн төлүүлэх, гэрээг харилцан тохиролцох зэрэг заавал мөрдөх зүйл, заалтуудыг өөрийн дүрэм журамд оруулж дагаж мөрдөнө. Ялангуяа 1-р зүйлийн Зв зарчмыг заавал дагаж мөрдөнө.

3 Шигшээ багт тоглогч дуудах болон чөлөөлөх

- Энэ журмын Хавсралт 1-ын зүйл, заалтыг дагаж мөрдөнө.
- Нэг тоглогч тухайн улсын том талбайн болон футзалын шигшээ багийн аль алиныг төлөөлж тоглож болно. Тухайн улсын дээр дурдсан хоёр шигшээ багт бүтнээр эсвэл зарим хугацаанд төлөөлөн албан ёсны тогтолтонд оролцсон бол өөр улсын шигшээ багт тухайн улсыг төлөөлөн тоглож үл болно. ОУХБХ-ны Дүрмийг зохицуулах журмын зүйл 5.2 болон зүйл 8-т тусгасан зүйл, заалт үүнд хамаарахгүй.

4 Бүртгэл

- Тус дүрмийн 2-р зүйлд заасны дагуу футзалын тоглогч сонирхогч эсвэл мэргэжлийн статустайгаар клубт тоглохын тулд тус клубын харьялагдах гишүүн холбоонд бүртгүүлнэ. Бүртгэлтэй тоглогч зохион байгуулагдаж буй хөл бөмбөг тоглох эрхтэй. Бүртгүүлнэ гэдэг нь ОУХБХ, тив болон гишүүн холбооны дүрэм, бусад журмуудыг дагаж мөрдөхөө амлаж байна гэж тооцно.
- Нэг тоглогч нэг удаа футзалын нэг л клубт бүртгүүлж болно. Гэхдээ тус бүртгэлтэй хугацаандаа том талбайн клубт бүртгүүлж болно. Том талбайн болон футзалын клубууд нь заавал нэг улсын холбоонд бүртгэлтэй байх албагүй.
- Нэг улирлын туршид тоглогч 3-аас ихгүй футзалын клубт бүртгүүлж болно.

Улирлын үеэр тоглогч хоёр футзалын клубын албан ёсны тоглолтонд оролцох эрхтэй. Гэхдээ улирал давхцаж буй хоёр өөр гишүүн холбоодын харьялалтай футзалын клубуудийн хооронд шилжилт хөдөлгөөн хийх тохиолдолд тус тоглогч гуравдагч клубын тоглолтонд тоглож болно. Энэ тухай өмнөх клубуудтэй хийсэн гэрээнд тусгайлан заасан байна. Талбайн хөл бөмбөгт дагаж мөрддөг гэрээний хамгийн бага үргэлжлэх хугацаа болон шилжилт хөдөлгөөний үргэлжлэх хугацаа, нэг улиралд бүртгүүлэх тоглогчдын тоо энэ зүйл, заалтад ижил мөрдөгднө.

5

Футзалын тоглогчийн олон улсын шилжилт хөдөлгөөний зөвшөөрөл /IFTC/

1. Өмнөх гишүүн холбоо дараагийн шинэ гишүүн холбоонд тухайн олон улсын шилжилт хөдөлгөөн хийгдсэн футзалын тоглогчийн зөвшөөрөл буюу IFTC –г өгсөн тохиолдолд шилжилт хөдөлгөөн хийгдсэн гэж үзнэ. Тус зөвшөөрлийг үнэ төлбөргүй гаргана. Үүнээс өөрөөр заасан аливаа зүйл, заалтыг хүчингүйд тооцно. Зөвшөөрөл өгсөн холбоо нэг хувийг ОУХБХ-нд илгээнэ. Талбайн хөл бөмбөгийн ITC гаргах зарчим энэ зүйл, заалтад ижил мөрдөгднө. Гэхдээ талбайн хөл бөмбөгийн зөвшөөрлийн форматнаас футзалын зөвшөөрлийн формат ялгагдахаар өөр байна.
2. 10 нас хүрээгүй тоглогчид IFTC шаардагдахгүй.

6

Сахилгын шийтгэлийг дагаж мөрдөх

1. Футзал тоглох эсвэл футзалын тоглолтоос үүдэж тухайн тоглогчид сахилгын шийтгэл буюу тоглолт өнжүүлэх тохиолдолд тухайн үед тоглож байсан футзалын клубт тус шийтгэл хамаарна. Том талбайн тоглолтоос үүдэж сахилгын шийтгэл авбал тус шийтгэл нь талбайн хөл бөмбөгтэй хамааралтай харилцаанд хүчин төгөлдөр байна.
2. Футзал эсвэл талбайн хөл бөмбөгөөс үүдэж авснаас үл хамаарч авсан шийтгэлийн хэрэгжих хугацаа эсвэл шийтгэлийн хугацаа нь аль аль спортын төрөлд хамаарч хүчин төгөлдөр үйлчилнэ.
3. Хоёр өөр холбоонд бүртгэлтэй хоёр өөр клубт талбай болон футзалын клубт тоглож байх тохиолдолд тоглогчийн авсан сахилгын шийтгэлийг хоёр гишүүн холбоод өөр хоорондоо мэдэгдэх үүрэгтэй.
4. Дөрөв хүртэл тоглолт эсвэл 3 сар хүртэл тоглолтоор сахилгын шийтгэл өмнөх гишүүн холбоо ногдуулах үед шилжилт хөдөлгөөн хийгдсэн бол тус тоглогчийн сахилгын шийтгэлийг шинэ гишүүн холбоо дотоодын уралдаан, тэмцээндээ хүчин төгөлдөр хэвээр үргэлжлүүлж шийтгэлийг тооцно. IFTC олгоходоо өмнөх гишүүн холбоо шинэ гишүүн холбоонд бичгээр сахилгын шийтгэлийг хэрэгжүүлж дууссан тухайгаа мэдээлнэ.
5. Дөрвөн тоглолт эсвэл 3 сараас дээш тоглолтоор сахилгын шийтгэл өмнөх гишүүн холбоо ногдуулах үед шилжилт хөдөлгөөн хийгдсэн бол тус тоглогчийн сахилгын шийтгэлийг шинэ гишүүн холбоо олон улсын хэмжээнд хэрэгжүүлэх эсэхийг ОУХБХ-ны Сахилгын Хорооны шийдвэрээр хэрэгжүүлж тухайн тоглогчоор эдлүүлнэ. IFTC олгоходоо өмнөх гишүүн холбоо шинэ гишүүн холбоонд бичгээр тус тоглогч сахилгын шийтгэлтэй эсэхийг мэдэгднэ.

7

Гэрээг мөрдөх

1. Талбайн хөл бөмбөгийн багт гэрээтэй тоглодог тоглогч футзалын клубтэй мэргэжлийн тоглогчийн гэрээг хийж болох бөгөөд түүнийг тус гэрээг хийж болох зөвшөөрлийг талбайн хөл бөмбөгийн клуб бичгээр гаргаж зөвшөөрөл олгоно. Футзалын мэргэжлийн тоглогчийн гэрээ байгуулсан тоглогч талбайн хөл

бөмбөгийн өөр клубтэй гэрээ хийж болох бөгөөд түүнийг футзалын клуб бичгээр зөвшөөрөл олгосон тохиолдолд тус гэрээг хийнэ.

2. Энэ зүйл, заалтаар энэ журмын 13-18-р зүйл, заалтуудад тусгасан гэрээний тогтвортой байдалд хамаарна.

8 Насанд хүрээгүй тоглогч

1. 18 нас хүрсэн тоглогчийг олон улсын шилжилт хөдөлгөөний харилцаанд оруулж болох бөгөөд энэ журмын 19-р зүйлд түүнтэй холбоотой тусгай заалтыг тусгасан болно.

9 Бэлтгэл сургуулилтын нөхөн төлбөр

1. Энэ журмын 20-р зүйл болон Хавсралт 4-т заасан бэлтгэл сургуулилтын нөхөн төлбөр нь футзалын тоглогч ба футзалын клубуудийн шилжилт хөдөлгөөний харилцаанд үл хамаарна.

10 Нийтлэг эрх ашгийн нөхөн төлбөр

1. Энэ журмын 21-р зүйл болон Хавсралт 5-т заасан нийтлэг эрх ашгийн нөхөн төлбөр нь футзалын тоглогч ба футзалын клубуудийн шилжилт хөдөлгөөний харилцаанд үл хамаарна.

11 ОУХБХ-ны чадамж

1. Аливаа футзал тоглогч эсвэл клуб нь хөдөлмөрийн гэрээтэй холбоотой маргаанаар иргэний шүүхэд хандаж болох бөгөөд тус дүрмийн 22-р зүйлд заасан маргааныг ОУХБХ шийдвэрлэх бүрэн эрхтэй.
2. Тоглогчийн Эрх зүйн байдлын Хороо эсвэл ганцаар бие даан шийдвэр гаргах шүүгч энэ журмын 23-р зүйлд заасан аливаа маргааныг шийдвэрлэнэ.
3. Энэ журмын 24-р зүйлд заасан аливаа маргааныг Маргаан Шийдвэрлэх Танхим эсвэл түүний тохоон томилсон шүүгч шийдвэрлэнэ.
4. Дээр дурдсан байгууллагуудын гаргасан шийдвэрийг Спортын Арбитрын Шүүхэд хандаж давж заалдаж болно.

12 Тусгагдаагүй асуудал

1. Тус Хавсралтад тусгагдаагүй асуудлыг энэхүү Журмаар шийдвэрлэнэ.

13 Албан ёсны хэл

1. Тухайн нэг тайлбар нь Англи, Франц, Испани, Герман болон бусад хэл дээр ямар нэг байдлаар зохицож нийцэхгүй тохиолдол гарвал Англи хэл дээрх эх бичгийн утгыг голлон баримтална.

Хавсралт 8. МХБХ-ны Дундын зуучлагчийн үйл ажиллагаанд мөрдөх журам

1 Ерөнхий зарчим

1. Тоглогчид болон клубууд хөдөлмөрийн гэрээ дуусгавар болох, мөн тоглогчийн шилжилтийн гэрээний үед зуучлагчийг хөлслөн ажиллуулах эрхтэй.
2. Дундын зуучлагчийг сонгон ажиллахдаа тоглогч болон клуб нь тухайн зуучлагчийг сайтар судалж, үйл ажиллагаандаа итгэл үнэмшилтэй байх хэрэгтэй. Энэ нь дундын зуучлагч холбогдох зуучлалын болон хоёр талыг төлөөлөн ажиллах зэрэг гэрээ дуусгавар болсон бичиг баримтад гарын үсэг зурсан эсэхийг зохих арга хэлбэрийг ашиглан мэдэж баталгаажуулсан байхыг хэлнэ.

2 Зуучлагчийг бүртгэх

1. Ил тод байдлын үүднээс байгууллага, холбоо нь дундын зуучлагчдад зориулсан бүртгэлийн систем нэвтрүүлж, үүнийг нээлттэй, ил тод байлгана. Зуучлагч нь аливаа нэгэн шилжүүлэг хийхэд бие даан оролцох бүртээ энэхүү системд бүртгүүлэх ёстай.

3 Бүртгэлд шаардлагатай зүйлс

1. Тус бүртгэлд хамрагдахаасаа өмнө зуучлагч нь холбоо болон тоглогч нь түүний талаар эргэлзээгүй, итгэл төгс байдлыг хангаж чадахуйц танилцуулга, бичиг баримтыг холбогдох тоглогч, холбоонд гаргаж өгсөн байна.
2. Зуучлагч нь аль нэг тоглогч, клубтэй гэрээ байгуулж хамтран ажиллах хугацаандаа уг үйл ажиллагаанд нь сонирхлын зөрчил үүсгэж болзошгүй өөр ямар нэг лиг, нийгэмлэг, холбоо, клуб, багтай ямарваа нэг гэрээ байгуулах эрхгүй. Хэрэв өөр лиг, нийгэмлэг, холбоо, клуб, багтай шууд болон шууд бус ямарваа нэгэн байдлаар холбогдсон тохиолдолд тухайн зуучлагчийг хөлсөлсөн тоглогч, байгууллага, холбоо цаашид ажиллахаас татгалзах эрхтэй.
3. Зуучлагчийн тоглогч юм уу клубыг төлөөлөх эрхийн гэрээ дуусгавар болоход тус гэрээ нь зуучлагчийн анх бүртгүүлсэн холбоо, байгууллагад үлдэнэ.

4 Төлөөлөх гэрээ

1. Зуучлагч үйл ажиллагаа хэрэгжүүлж эхлэхээс өмнө зуучлагч болон тоглогч, клубын хооронд байгуулсан эрх зүйн акт нь бичгийн хэлбэрээр хийгдсэн байх ёстай. Төлөөлөх гэрээ нь дараах үндсэн мэдээллийг багтаасан байна. Үүнд: хоёр талын нэрс, үйлчилгээний цар хүрээ, албан ёсны харилцааны хугацаа, зуучлагчид өгөх цалин хөлс, төлбөр, төлбөрийн өрөнхий нөхцөл, гэрээ дуусгавар болох хугацаа, гэрээ цуцлагдах нөхцөл мөн 2 талын гарын үсэг зэрэг болно. Хэрэв тоглогч нь насанд хүрээгүй бол түүний хууль ёсны асран хамгаалагч төлөөлөх гэрээнд оршин суугаа улсын хуулинд нийцүүлж гарын үсэг зурна.

5 Ил тод байдал, хэвлэл

Байгууллага, холбоод жил болгоны 3-р сарын сүүл гэхэд олон нийтэд ил тодоор /жишээ нь өөрийн албан ёсны вэб хуудсанд/ бүртгэлтэй бүх зуучлагчдын нэрс болон тэдний оролцсон шилжүүлгүүдийн мэдээллийг тавина. Холбоо, байгууллага нь тэнд бүртгэлтэй тоглогч, клубуудын дундын зуучлагч нарт төлсөн цалин, нөхөн төлбөрийн мэдээллийг мөн ил тод нийтэлнэ. Тавигдах дүн нь нийт тоглогчдын клубуудын мэдээллийг нэгтгэсэн дүн байна.

6 Зуучлагчдад төлөх төлбөр

1. Зуучлагч нь тоглогчийг төлөөлж аливаа нэгэн клуб, байгууллагатай гэрээ байгуулахад түүнд олгох урамшуулал нь тухайн тамирчны уг гэрээний хүчинтэй хугацаанд олгогдох нийт цалингийн 3%-аас ихгүй байна.
2. Зуучлагч клубыг төлөөлөн тоглогчтой ажиллах гэрээ байгуулахад түүнд олгох урамшуулал, цалин нь гэрээ байгуулан ирж буй тоглогчийн нийт үндсэн орлогын 3%-аас ихгүй байна. Энэ нь тухайн байгуулсан гэрээний хугацааны туршид хүчинтэй.
3. Зуучлагч нь клубыг төлөөлөн тоглогч шилжүүлэх гэрээ хийхэд түүнд олгох урамшуулал, цалин нь тоглогчийн шилжилт хөдөлгөөн хийхэд төлөх (авах)-өөр тохирсон төлбөрийн 3% -аас ихгүй байна.
4. ОУХБХ-ны Дүрмийн “Тодорхойлолт” бүлгийн 11-р зүйлд зааснаар, зуучлагчид төлөгдөж байгаа бүхий л төлбөрөөс багийн албаны хүмүүс аливаа мөнгөн хэлбэрээр хураамж эсвэл төлбөр авахыг хориглоно. Энэ зүйлийг зөрчсөн тохиолдолд сахилгын арга хэмжээ авна.

7 Сахилгын шийтгэл

- 1.. Байгууллага, холбоо, нь тэдгээрийн хууль, дүрэмд захирагдаж байгаа бүх талуудад холбогдох хууль, дүрмийг зөрчсөн тохиолдолд сахилгын шийтгэл ногдуулна.
2. Байгууллага нь хэн нэгэн зуучлагчид сахилгын арга хэмжээ авсан бол нэн даруй дээр дурдсаны дагуу нээлттэй нийтлэх болон ОУХБХ/МХБХ-нд мэдэгдэх үүрэгтэй. Үүний дараа Сахилгын хороо уг арга хэмжээний хугацааг сунгах эсвэл олон улсад танилцуулах эсэхийг Сахилгын дүрэмд заасны дагуу шийднэ.